

近代中國史料叢刊續編第二十一輯  
沈雲龍主編

# 湘潭袁氏家集

袁榮法編

袁思永著：①禮闕郵齋詩存②繭齋詩餘  
袁思古著：學圃老人詞稿

文海出版社  
有限公司  
印行

禮  
閣  
郵  
齋  
詩  
存

蒲凡生著

禮闕郵齋詩存

蘭齋袁思永自定稿

目 錄

由涓江移家全州別潛弟

戊寅九月

舟過空靈岸不得登

衡山病中夜別昭兒

衡陽

抵全州

曉發全州

兵書峽

江行雜詩

過澹岩不得登寄題二首用山谷韻

贈王紹先內弟

寄和潛弟

鷓鴣

蔗田

江上望月

舟行七日不聞各方消息作此示蘭庭

灘行

牟江口

貉山河

青口

哀長沙

遣悶

相見灣

道州懷古

歎乃曲和次山韻

聽祁陽女伶戲劇

窰樽亭用次山原韻

寄懷伯夔弟上海兼壽其六十生日

送楊夔甫入蜀

長沙火後久不得大兒書雪夜口占

陽公祠

贈何茂若

喜大兒沅陵書來

一 道州雜詠用潛弟鄉居八首韻卽寄示潛弟

和潛弟

城樓遠眺

閱戰報有感

越園自龍游寄贈畫蘭賦謝

寄示起昭兩兒重慶

人日村舍題壁

己卯

時蔬

竹枝曲

夜雨寄懷潛弟二首

中郎巖

月巖

苦雨

謝徐紹周自零陵寄畫梅

窠尊亭觀李花

望石魚湖

古樟竹

月夜

清明

西洲遠眺

寄示起兒南部

淚竹

春夜

題寇公樓

挑菜

上已得潛弟寄懷詩次和却寄

溪村遣興

韓登安自方岩惠寄篆刻名字石章二方物稀道遠殊不易致賦此謝之

己卯三月生日感懷

游金暉岩二首

再疊前韻二首

紹先約偕徐紹周陳友古李蘭庭游八柱岩二首

無名巖

並序

題蘭庭手拓窰尊銘

次韻紹周重午市樓觀競渡

偕紹先拜謁其尊祖壯武公遺像

題鍾馗啖鬼圖

題參駕橋白公廟二首



龍舟

開元觀前江岸晚眺二首

燕來巢

食桐子李

題可口酒樓

營陽峽

裴夫人輓詩

壽徐紹周五十生日

讀中興碑並何東洲吳愈齋兩公次韵山谷詩有感仍用原韻

落花八首和伯夔弟

續落花詩登前韻荅越園竝簡潛弟

曉發奪遠城至九疑謁舜陵宿永福寺偕王紹先

紫霞岩紀游四十韻

前題

題玉瑄岩

逍遙岩和壁間韻

九疑多神謠

槃王子孫曲

九日登梯雲嶺

次韻荅紹周寧遠

和潛弟九日感懷

慰紹周臥病

次韻贈何漢丞

何鳴臬招飲水南獲觀所藏李春湖家宋拓葉有道碑

蝨

題何蔚雲醉春亭

次韻荅何漢丞

臘八日得潛弟書

抗戰曲

謝何漢丞以手製太康磚硯見貽

寄姚味辛渝中

蕭山戰

灕河道中

庚辰

麻灘

興安道中所見

登獨秀峯遠眺

七星岩

零陵客中

題綠天庵

懷素故居

愚溪

游朝陽岩用山谷韻

端陽觀競渡贈周縣長希洪

希洪有和詩登前韻荅之

蓀湖草堂爲李蘭庭題

倦鳥知還圖爲鄭知還題

梓溪邨口占

雜咏六言

寄題幸存室贈雷恭甫

木屨沈雲英將軍廟題壁

喜得吳冠周書

富貴甄硯銘

夜坐口占

潛弟書來言由舊塘移家仍回涓江賃屋自春以求生活其遇良苦

十字街尋蔡西山祠不可得

咏桐子李

讀元祐黨人碑

燈下書懷

啖蜜桃

獨坐

久客

入瀧

有感

集放翁詩句書感

道石

喜得鄒慎齋自寧鄉灰湯來書計不通音問者三年矣作此寄之並簡鄒曼叔桂林

夜坐不寐但聞夾江水車翻動聲有感

疊倉光韻再答潛弟

和潛弟

疊前韻

樊漱圃自復性書院以其師馬湛翁辟寇集詩見貽集中有和江翊雲鬪茶韻至十餘

疊輒依韻和之卽寄漱圃

寄贈漱圃

水南探得龍爪花歸

喜曼叔書至並寄和詩再酬一律

寄慎齋次潛弟韻

蒲凡生自永明寄贈北郊詩翰依韵作南游八絕奉酬

溪村聞警鐘

滇南

再題何蔚雲醉春亭次曉間韻

食螯蜃戲作

正氣呼天集爲張默君題

辛巳元旦試筆

書懷

送吳冠周司令卸任返浙省親次慎齋韻

寄懷楊燮父重慶

次和何小嵐

次和潛弟

感事

對雨獨酌

俞彥文索題其師高嘯桐太守畫像

送鄭知還去江華

春宵

寄越園

蒲凡生膺道縣修志局之聘移家來道於八柱岩得一石天然成凡字形筆意在篆隸

之間樸茂可喜非雕琢所能致物得其主凡而不凡矣詩以張之

吳冠周假歸黃岩瀕行寄書告別並餽二百幣云爲助刊詩稿之費且感且愧賦此奉



酬

題吳子玉將軍畫竹

清明

慰潛弟

爲黃秋凡秘書題畫

三忠祠被毀有感

寄景毓華杭州

黃鍾助以其先王父忠壯公雙魚圖題咏手跡屬題爲賦三絕應之忠壯公名邵坤同

縣人咸同年問以諸生從軍平江淮克金陵有功後征黔苗殉難

武劫齋自杭州以畫梅並詩寄贈仍用原韻寄酬

西關

辛巳生日

題博古花卉畫

贈雷去私

鄭仰樵四十生日有詩次韻奉和 名際且寧達人

江雨

詠方竹杖

排悶

次和慎齋

園店

雜感

都廡嶺

遣懷

讀放翁治生絕句悽然有身世之感

夏夜

詠桃花竹

上關

濂洲夜座納涼

蒲凡生以歐陽文忠所書永門周堯卿太常墓表拓本見貽賦此奉酬

七七紀事

哀會稽

哀海門

秋夜

春陵竹枝詞記道州風俗

七夕寄曼叔桂林

中秋寄潛弟次韻

遣興

重陽寄潛弟

西冷感舊五首

夏定侯 超

王湘泉 錫榮

王孚川 廷揚

王綬珊 體仁

蔡谷青 元康

贈黃秋凡秘書

燈

客從長沙來言二次湘北戰後情狀悽然有感

對月

自遣

贈周希洪縣長

卽事

寇公樓和凡生

樂園在道州搜獲新出土漢魏吳晉磚都二十七品手拓成巨冊並自繪營道訪磚圖

詩以張之

壬午立春 辛巳臘月十九日

近事 蔣委員長訪印度

贈何十三鳴臬

人日得潛弟書言鄉間情事悽然有感用凡生韻

贈何小嵐

戲贈紹周

禮闈垂  
齊壽存

長沙徐楨立題



壬午春道縣  
民衆書局印

禮閣郵齋詩存

繭齋袁思永自定稿

由消江移家全州別潛弟

戊寅九月



小住經秋又遠移。倉皇何處避兵宜。抽身竟負同行約。原約同入鄉握手權為  
再見。期夢裏山河。驚破碎。懷中脆。與苦流離。衡峰待挽。南回雁。為我傳書。過九  
疑。

舟過空靈岸不得登

灘聲雷轉逆行舟。阻我空舸續勝游。湘水不情芳草歇。懸岩吞盡古今愁。

衡山病中夜別昭兒

舟過衡山夜深登岸。覓昭兒城中。是日適遭轟炸。余扶病穿瓦礫場數  
處。至近郊始復相見。匆匆數語而別。

劫火沉山路。搜尋幸汝存。殘秋支病骨。遙夜定驚魂。覓路荒城仄。呼舟斷岸昏。  
匆匆催短語。清淚濕襟痕。

衡陽



浮家一舸沂清湘。水逆風帆不得張。五百里程行十里。亂灘撐雨上衡陽。

抵全州

驚聞湘鄂動征犂。又逐流人到粵西。千里播遷勞展轉。七家羸弱費提携。同行重許

最孝俱楊六家婦或十餘人

江清石走灘聲急。山暗城孤塔影低。如此萍飄竟何恃。故園歸

夢太淒迷。

曉發全州 居全十日復揚家折回來後

款乃鳴柔艣。輕風破曉寒。四山千仞石。十里九重灘。楚蔗沿崖碧。江楓夾岸丹。灣灣孤塔影。旋轉耐人看。

兵書峽

相傳有兵書在江上絕壁間。金碑鐵瓦。度之人莫能取。下有寶劍。

鐵瓦金碑怪絕踪。江心潛劍欲騰龍。奇書不許凡夫讀。待與何人訪赤松。

江行雜詩

泛梗原無帶。中流自在行。水清能見底。山好不知名。洞口噓雲氣。灘心捲雨聲。長年催夜泊。荒渚月初生。

坐卧扁舟穩。流入且莫哀。江送沙外轉。天白石中開。遠樹連雲沒。孤村帶月來。吾心成機事。鷗鷺漫相猜。水逆魚風逆。驚濤挾石強。行遲嫌日短。卧久覺宵長。生厄哀前敵。安危念故鄉。兜曹消息隔。今各在何方。岸轉山千疊。灘高石一圍。鳥啼空谷響。魚鬥逆流肥。嶺樹排雲立。巖烟帶雨飛。不因身世感。長此欲忘歸。

過澹岩不得登寄題二首用山谷韻

峴間淡岩今始見。勝境幽絕遠戰塵。不因避亂竄到此。洞口疑有秦時人。懸崖雪凝玉竇乳。巨石雷轉空灘春。峯頭孤亭不可即。何由拂藓題蒼珉。適宜當年此栖憑。魂兮至今題未題。湘娥啼枯山竹裂。時有夢雨來九疑。西風蕭蕭木葉下。村女暮砧寒搗衣。山靈神祕謝通客。除是詞狐知我稀。

贈王紹先內弟

相見莫言家國事。江山如此且登臺。九疑祝壽思先澤。

君祖壯武公有九疑祝壽圖

七色司

徵見俊才

君監稅來祁東  
通寧永江七縣

高誼獨逃陳榻下  
豪情頻對孔樽開  
慙余老作芝城

客不為君家不肯來

西粵倉皇誤一行  
尺書親切費將迎

君勸余勿往全州  
以書約我來零陵

病中藥物勞相餽  
余在零陵

病承君  
饋約厨下蔬肴累自烹

君慶自  
烹看俱繁瑣縱談兒女事

辛酸追訴弟兄情  
依依又

作他鄉別水遠猶煩計日程

時余在零陵小住旬日  
前全勸余勿由水路前往

許丹移道州君以余病

寄和潛弟

竄影依依戀故邱  
無端翻作粵西游  
江淹苦恨徒傷別  
宋玉能悲况感秋  
千嶂

插天山異色  
百灘翻雪水爭流  
殊鄉可奈留難住  
又轉孤蓬入道州

易地潛踪冀苟全  
艱危四顧復茫然  
神州豈信終沉陸  
畫壁猶勞再問天  
五嶺

兵聲催落木  
三湘秋色化烽烟  
橫空忽縱長沙火  
驚損征人徹夜眠

鬱鬱愁腸日几回  
思君猶滯岳雲隈  
哀時早覺心如木  
報國空餘骨未灰  
殘醉

夢依鷓鴣路穩  
苦吟詩怯雁聲催  
劇憐今夜葛塘月  
應共清滿照一杯

鷓鴣

倚石臨風自一村。斜陽閒挂網當門。漁翁喚得鷓鴣歎。沒水擒魚不敢吞。

蔗田

蔗田秋熟飽經霜。引水支機壓作糖。軋筒車聲不斷。佳人隨意乞瓊漿。

江上望月

卧盡魚龍百不聞。寒宵天淨碧無雲。離愁試割心頭月。一片清光七處分。時余在道

州江上。潘弟在呂塘大兒在長沙二兒在桂林大兒婦半三孫在港三侄雲泰在浙之麗水奇女在北平一家分作七處思之歎然

舟行七日不聞各方道作此示蘭庭

浮踪聚散本如萍。又共移時過鼻亭。遶地漸能離思怖。揭家同自怨飄零。空灘水漾傷心碧。列岫雲開冷眼青。溪壑漸深都市遠。轉嫌消息益沉冥。

灘行

灘行十里九停橈。雪浪喧騰石動搖。一枕西風催夢覺。耳邊猶似浙江潮。

車江口

浪急奔如馬。山旋曲似螺。游魚銜尾出。啼鳥畫眉多。釣艇童炊火。樵墟女放歌。

雨中村舍近。沽醉倚青藜。  
十日舟中住。辛酸味不分。竹蓬經雨漏。柴爨受烟薰。破閤書難覓。攻愁酒易醺。  
向人詢戰訊。沉寂苦無聞。

潯山河

晚入潯河風露清。一灘高與一灘爭。圓腰但有烟霞氣。到耳無非水石聲。殘劫  
自憐猶作客。窮鄉翻喜不聞兵。冥鴻戢影如何慕。却悔蹉跎誤此生。

青口

置我將何地。藏舟此庶幾。峯圓杉樹五。沙瘦荻花稀。鯉腹遲胎熟。鷗心貯息機。  
寒砧催向晚。戰士久無衣。

哀長沙

一大咸陽尚不如。無邊樓閣化邱墟。池魚失水哀殃及。幕燕窺巢歎墟餘。大錯  
憑誰成鐵鑄。纖兒忍自壞家居。傷心萬戶生烟夜。城下何曾見敵軍。  
烈焰燒空起赤霞。六丁消盡古長沙。赭山忽訝秦重怒。焦土終驚楚自誇。朱郎

尚存諸將宅。碧油推駛貴人車。可憐斷瓦頽垣地。只在尋常百姓家。

遺閩

陣雲如墨接天陰。苦費沉江鐵鎖沉。退不折兵和將略。戰無降卒見軍心。全功  
宜忍羞三北。勝算終須決七擒。湘水最清堪洗耳。好風頻待轉佳音。

相見灣

層灘鬱迴蕩。陣石遮隱現。水流多怨聲。山轉失真面。身孤心膽弱。世亂骨肉賤。  
愁絕相見灣。離人不相見。

道州懷古

鬱鬱孤懷只自知。南來況值亂離時。山經木壘沿江險。水入麻灘上瀨遲。屢拜  
尚依龍母廟。碑亭難覓象神祠。漫郎不作吾誰與。洗眼重尋石上詩。

北顧三江水合流。天涯鼓角起危樓。奉陶見說曾參鶴。州西北有巢父傳聞此

洗牛州南有巢父水峻嶺搖菁通百粵。晴波漁艇集雙洲。閒情寂寞殊難遣。且作靈岩

月裡游。

款乃四和次山韵

孤舟直入水雲間。暫得身閒心未閒。耿耿余懷人不識。相知惟有萬重山。  
石轉灘迴水不平。夷猶船在畫中行。汀洲杜若知多少。欲採芳馨不辨名。  
幽篁叢薄晚烟深。澤畔如聞逐客吟。瑤瑟罷彈人不見。天風猶帶鳳鸞音。  
昨夜依稀夢剡東。覺來身在月明中。清滿絕似嚴陵濑。著我羊裘一釣翁。  
岳陽樓畔鼓淵淵。雲麓宮前火燭天。安得負舟東入海。化為無數漢樓船。

聽祁陽女伶戲劇

鷓鴣絃板簇紅妝。北曲南音亦擅場。歌舞何關家國事。漫送商女責興亡。

宸樽亭用次山原韵

漫郎今不作。攬勝來空亭。片石欣所適。飲者留其名。當年長瓢下。逸氣吞滄瀛。  
大璞無琢雕。奇懷慰平生。傾星訝南斗。擊水疑北溟。醉翁雖頽然。眾醉遠猷醒。  
官窳不若賊。涕泣陳民情。談笑揮西原。不敢窺孤城。謳歌夫勿剪。萬木虞山青。  
此石今幸存。寒光動軒楹。五如互輝映。龍虎皆隨形。誰能送我游。香醪傾玉瓶。

尋碑讀翟家老眼猶能明

寄懷伯夔弟上海兼壽其六十生日

海屋籌傳瑞鶴遠。弧辰翹企隔江脚。論年自媿二齡長。對影同驚雙鬢斑。心上所經如夢裡。眼前何物是人間。携家我正傷飄泊。欲往從君道路艱。尚書別室記深思。少小相依夢尚溫。身在各憐無父母。心危翻累有兒孫。寥寥漸感賓師少。款款猶欣弟妹存。嘉行羨君敦孝友。辛酸往事忍重論。羅綺畫中一畝裘。豪情舖飯自風流。每逢佳士常青眼。早謝名卿尚黑頭。秘笈藏書驚浩劫。哀絃顧曲倚高秋。慙余老作蠻荒客。輒念生平馬少游。誤落塵寰六十年。滄桑親見海成田。禪機有悟時依佛。丹訣無方不羨仙。問字每來延客酒。驚文終勝在官錢。劇憐海國飛鴈夜。康樂無由接惠連。

送楊斐甫入蜀

蠶叢計日困征途。滿地瘡痍恨未蘇。艱苦不辭同士卒。流亡遑暇恤妻孥。飛芻倥傯資長策。錯節輪囷膺壯圖。勞瘁暫時君莫怨。中興謨畧仗行都。



長沙火後久不得大兒書雪夜口占  
沉沉火後斷兒書。問息尋消兩月餘。  
遙夜一燈眠不得。靜聞寒雪响空除。

陽公祠

曠代英靈尚肅然。侏儒頌德想當年。  
清風競爽萊公竹。化雨先開茂叔蓮。  
公上

老龍隨侯史。

公至襄陽有五老來迎云任州西北  
至州時之無其人但有五龍井

山間鳴鳳識歸野。  
韓文公送何望序中

循良已往令誰繼。如此州民總可憐。

贈何茂若

前驅身是執戈人。楚解戎衣滌戰塵。  
斗室氣騰雙劍古。奇花香放四時春。  
東州展卷懷先澤。西郭移家喜近鄰。  
便欲與君頻過送。欣欣同作道州民。

喜大兒沅陵書來

兩月書纔達。沅瀟道阻長。  
孤身經百劫。數語抵千行。  
卜者占能驗。  
家人先數日出卜占得月  
初有書至  
家人喜欲狂。最奇先日去。猶及檢行裝。  
兒於長沙大火前一日離去

道州雜咏用潛弟鄉居八首韻即寄示潛弟

嘗盡流人味。羈縻又一年。風波驚不定。兵火急相煎。悼往愁聞笛。傷今感著鞭。南隅佳且住。休負五如泉。

大亂能無患。

訪云天下大亂。通州無患。

幽棲說道州。溪魚跳滌剝。林鳥嘯歌喉。石峻梯雲接。

江清帶月流。前賢芳躅在。吾欲訪巢由。

作客翻無奈。魂猶戀故鄉。哀歌回雁柱。遠夢駕鼉梁。酒向愁中減。花從劫外香。

近郊閑歇住。烟水足徜徉。

室暗呼燈早。梯危拾級難。衣憑中婦浣。書帶裨孫看。火飲甘調劑。孤吟苦琢肝。

兒曹消息到。姑喜報平安。

雄堞崇墉壯。山光撲面開。水皆依郭去。人為趕堞來。翠筍經冬茁。青杉遍嶺栽。

登臨生客感。歸路隔烟埃。

楚難知無已。蒼茫一顧中。鼓沉衡岳雨。舟鎖洞庭風。各豈歸諸將。謀誰誤乃公。

江干頻徙倚。我亦信天翁。

夜縱長沙火。荒唐古未聞。何闕由義憤。竟任逞妖氛。典籍憑誰守。儲香忍自焚。

倉皇勞補救。高議尚紛紛。  
踞趾飛鳶落。南天首重騷。  
疆場思衛霍。廊廟失蕭曹。  
地僻容招隱。愁深擬反騷。  
時哉曰予季。歸共刈藜蒿。

和潛弟

臘盡春回轉玉衡。虞山南望月孤明。  
劇憐有弟同飄泊。苦憶諸兒各遠行。  
歸夢路迷湘水曲。離愁天隔嶽雲橫。  
鄉闕是處兵氛急。老大徒悲未請纓。

城樓远眺

鼓角嚴譙舊危欄。試一臨雙洲三夾水。  
十日九天陰雨嶺。松杉淨烟村橘柚深。  
悠悠塵籟寂。閑聽畫角吟。  
市路皆填石。商塵盡背河。  
茶推東嶺細。糖聚北流多。  
獵虎皮論儻。調禽舌畧歌。  
西關繁盛最。來往任肩摩。

閱戰報有感

寸寸山河寸寸金。休將勝負損初心。  
將才貴在兵能退。戰略尤宜敵入深。  
暴行

固知終自斃。雄首應見早。成擒蒼生暫。忍須臾痛。佇盼軍書奏捷音。

越園自龍游寄贈畫蘭賦謝

幽芳來自越溪濱。併入瀟湘作早春。千里客中風雪夜。燈前如見素心人。  
九畹穿愁託楚騷。松邊竹外想揮毫。千花萬草無窮感。豈獨傷心一石濤。  
石濤大幅蘭竹極為君所欣賞去秋杭函遺刻借我

寄示起昭兩兒重慶

魚鳥星火急軍書。念汝西征迫歲除。鳥道風烟邊徼外。虫沙身世劫灰餘。  
鴻相遇遭彝非僅以身免 思親漫下三聲淚。報國休回九折車。艱苦弟兄宜共勉。題橋算

讓馬相如。

入日村舍題壁己卯

來因無依去亦難。溪樓蕭瑟獨憑欄。身臞訝似山容瘦。腹疾猜由水性寒。市酒  
聊供消寂寞。家書姑喜報平安。懷人忽漫驚人日。壞壁題詩只自看。

時蔬通州各種蔬菜肥美而價廉為湘省之冠

紫芽青松翠芥。時蔬佳絕勝鷄豚。人間百事何須做。且向春陵敲菜根。

竹枝曲

蜀山高與上天齊。鳥道千盤盡向西。說與征人行不得。瞿唐烟雨鷓鴣啼。  
重湖青草暗萋萋。夢裡春闈路改迷。為道不如歸去好。岳陽樓畔子規啼。  
湘江滑滑苦春泥。衡岳風高急鼓鼙。歸去奈何行不得。子規啼罷鷓鴣啼。  
營陽峽口暮雲低。相見灣頭水拍堤。客子行行不歸去。鷓鴣啼罷子規啼。

夜雨寄懷潛弟二首

草樹沉沉瘴霧香。天胡置我在蠻荒。生涯自笑室如磬。地勢轉驚錐處囊。五管

兵聲猶殿殿。九疑山色故蒼蒼。懷君夜隔瀟湘雨。剪燭何時更對牀。  
兩地浮家託賃舂。離愁如網密重重。潮聲夢繞三千弩。嶽色春迷七十二峯。騷佩

枉勞牽杜若。童謠休法剪芙蓉。湘謠云上打琴焚鼓下打鼓焚琴書來却羨葛

塘好。尚有能詩郭伯雍。弟與伯雍同居

中郎巖

在州北三十里又名八柱名石洞幽邃

靈岩一竅開。鴻濛瀟江水。與銀河通。漢使槎迴拂牛斗。何年南游來。鑿空宮門  
 蒼蒼立積鐵。曲洞窈窕生陰風。懸梯百尺愁躋攀。突兀向人疑鬼工。八柱龍騰  
 擁仙閣。雲牕霧牖開玲瓏。响泉非鼓亦非鐘。視而不見其聲洪。來從何處去何  
 去。問津直欲迷漁翁。荒祠寂寞知是誰。顧使我悲送中虎。賁無人典。型絕竈下  
 廡。養皆英雄。營陽山水窟穴多。蠟屐幾兩殊難窮。維舟試拓水天字。更向含暉  
 尋茶壘。含暉洞口有水天一色  
 四字併為茶壘所書

## 月巖

廣寒仙閣任翔翔。息息如聞桂子香。斜影路分弦上下。圓光人在鏡中央。懸岩  
 雪乳垂天濤。秘窟風簾捲石林。堪笑腐儒多附會。元公憑此悟陰陽。

## 苦雨

不盡離人淚。春愁奈雨何。江喧新漲急。山動迅雷多。海氣連蛟蜃。軍聲亂鴨鵝。  
 劇憐袍澤苦。溝塹枕滂沱。

## 謝徐紹周自零陵寄畫梅

紹周自零陵以啖餘蔗滓寫紅白梅花兩枝寄贈並綴以小詞賦此為

謝

蔗境

君別院

甘餘信手拈咀華吐艷鬥毫尖紅妝照雪香何膩素羽眠雲夢亦甜

最長鄉愁隨曲度

君詞有故寫橫斜持贈怕鄉愁索亂之句

匆匆春色藉花粘多君壘帶茅龍外韻

事泛今藝苑添

宸尊亭觀李花

山城無梅李堪代連林一白花可愛宸尊亭畔春夢多樹密枝繁石無礙飄英滿地雪欲霽皓影迷天月同戴幽艷溶溶靜不言淡妝薄薄寒能耐玉骨冰心見高潔此中自有佳人在離情深憶子滿枝携李尋芳幾時再

望石魚湖

石魚湖似洞庭開酒舫當年亦費才望裡忽驚春水滿君山青處戰船來

古棹行

古棹泛何年植此瀟水澳鐵幹恣排鼻銅根鬱春曲參天千尺強據地十圍足

積翠蔚琛秀。濃陰掩晴旭。風來生遠音。雨過出新浴。翹柯蚪龍蛇。香葉鳳鸞宿。  
森森梁棟器。捨汝誠莫屬。材大用亦難。蕭然在空谷。神州近板蕩。萬類苦鋒鏑。  
妖氛破天來。薄海遭殺戮。恃彼機械加。毀滅任所欲。烽烟摧岱松。燹伐罄淇竹。  
草木不自保。遑論血與肉。得毋天蒙蒙。故意逞荼毒。此樹得如此。蒼蒼九疑麓。  
乘春揚靈芬。迨夏滌頌燠。雖無匠石顧。自免斤斧辱。岩壑能佯全。無災豈非福。  
羈棲攬烟景。賴北慰幽獨。天目尋樹王。何時勝游續。西天目有  
大樹王

月夜

地僻難為客。宵深苦憶家。雨餘初見月。春半漸無花。暗影俄孤犬。新聲聒怒蛙。  
清明驚野哭。不敢問長沙。

清明

惻惻羈懷鬱不溫。鶯看插柳遍江村。天張健伐亦春色。地止流亡皆國恩。閨夢  
尚迷無定夢。巫招猶有未歸魂。神傷故里先登馮。麥飯何由薦墓門。

西洲遠眺



登翠浮嵐娟遠峯。芳洲春色鬱芊芊。菰蒲葉長和烟密。橘柚花香過雨漑。沙岸水清宜泛艇。江天風定不驚鐘。通時過堂聲皆鳴鐘示警疑山此去無多路。古冊南闌倘見容。

寄示起兌南部時往閬中中央分銀行

瀟江夜雨愁征鞞。念汝遠去辭巴巖。手披地圖覓南部。迨遞尚在成都西。黃金如沙湧地出。白鹽似雪堆山齊。兩部產鹽如沙全軍需浩繁租稅重。用汝職在司鈞稽。頗聞長途苦艱險。滑竿成都府與之稱促發隨辰朝。淵深林迴峽角窄。往往失足成粉齏。蒼崖雪晴見虎跡。幽谷月落聞猿啼。最哉汝往慎勿緩。努力直上攀天梯。山川形勝恣瀏覽。壯游萬里窺羌氐。男兒致身貴許國。安用異地傷羈棲。三孫在滬近無恙。孤島檣柱勞汝妻。一孫依我慰寂寞。跳擲時索棗與梨。區區家事汝勿念。老夫尚可勝提攜。時危壯士盡枯骨。溝壑轉徙哀耄僂。吾曹遭逢幸如此。且共慙勉毋悲悽。河山恢復自有日。睽睽萬目瞻雲霓。相期兩地命歸棹。與汝載酒還蘇堤。

淚竹

淚盡蒼梧萬古哀。琅玕環向九疑栽。斑斕卽卽龍鱗細。暈巧枝枝鳳眼開。攜手健宜筇杖並。聚頭圓趁扇人裁。如何只解柯亭笛。虛遣中郎此地來。

春夜

小院春寒重。孤燈一穗青。非秋蟲自語。不寐酒難醒。林暗穿漁火。天低繫客星。羽書時盼捷。消息奈沉冥。

題寇公樓

讀王船山落花詩有丁香豈寇總瓊佳之句有感而作

萬古營陽地。萋萋百卉芳。只今憐豆寇。誰肯惜丁香。磴狹臨官路。樓危壓女牆。乘春厲蘋藻。大度想蒸羊。

挑菜

道州。市。百。貨。皆。多。有。販。而。挑。菜。者。無。不。清。潔。各。種。時。蔬。入。市。廚。頭。束。尼。整。齊。可。愛。凡。為。各。地。所。無。

野圃時蔬美。肩挑愛整齊。葉蒼凝曉露。根淨剔春泥。卷尾經兒束。平頭任客提。晨炊覓新火。菜市在城西。

上已得潛弟寄懷詩次和却寄

楊花飛上老人頭。疊疊青萍漾遠眸。多少不祥除未得。最牽春恨是杭州。  
踏青人到九疑南。處處澆愁酒。豈堪蠻鳥忽驚花。外雨。去年今日在湘潭。

溪村遺興

溪邨春厚野人家。萬綠森環一徑斜。洞竹雨掀沙外箭。吊蘭風裊石中花。搖唇  
異味嘗薰鼠。曝背遺聞說捕蛇。且喜浮蹤能暫止。此鄉猶未是天涯。

韓登安自方岩惠寄篆刻名字石章二方。物稀道遠。殊不易致。賦此謝之。  
瑤章遠眺意拳拳。丁將兩遠美獨專。神技豈能為物困。賤名何幸藉君傳。兵戈  
四海哀殘劫。文字三生証夙緣。翹首五峯千仞石。勒銘才仗筆如椽。

己卯三月生日感懷

寧影蠻荒尾畢通。今年能勝去年無。六張五角身遠在。二滿三平夢亦孤。愁借  
酒洗胸塊壘。病煩詩誦血模糊。鼻亭公豈歸無路。叫盡芳春任鷓鴣。

游含暉岩二首

洞門三折曲藏舟。藻綉雕形一顧收。旁挂斷霞鐘馭乳。中懸明月鏡當頭。洞中

有石鏡如雲開日射金華榜。一名金華岩山上洞口水動風寒白石樓。土人又

石江上洞口內有風清水寒休向桃源問何世。好山吾得及時游。

瑯琊東道主風光。是日王維先招余及往攬勝呼朋夏日長。記事不煩劉夢澤。

劉記見題名難辨祭中郎洞外壁有水天一色四大字相神羊叱石依人立。野

鳥提壺勸客嘗。合寫新圖乞城北。紹周善晴江烟樹著歸航

### 舟壺前韵二首

清瀟風引逆行舟。羅漢灘高曉霧收。捫壁讀碑循洞口。烹泉乞火就源頭。峯腰

月墮蟾移窟。石腹雲生壺結樓。高趣已為兜萼覺。大書名姓紀同游。諸孫七世

是日從游亦靈岩開翕動神光。局外觀棋劫正長。猶有楚歌懷帝子。不妨秦亂語漁郎。鶯花

且趁佳期約。鷄黍鄰同異味嘗。回首戰塵天更遠。漫勞消息警飛航。

紹先約偕徐紹周陳友古李蘭庭游八柱岩二首

靈山洞府敞清虛。八柱玲瓏畫不如。虹貫斷梁回日。泉喧複壁。雷轟雲隱。北卧聞仙樂。石室南眺貯異書。丹穴窮冥人不到。上頭疑有列真居。尋源槎客好相携。風袂飄飄拂紫霓。七寶層樓迷海市。千尋飛觀接天梯。神淵畫隱魚龍窟。秘閣春深鳥鼠棲。塵外坐看棋劫換。爛柯歸去日沉西。

無名巖并序

己卯夏。紹先以監稅零陵。來道州視察。暇日出游。約余及徐紹周陳友古李蘭庭一探中郎岩之勝。道出長田鋪。肩輿小憩路旁。一拳突起。巖壑秀美。詢土人何名。不能對。好奇心動。涉小澗。披叢棘。仰攀洞口而入。石齒掙掙。勢欲搏人。鍾乳下垂。詭異萬狀。紆迴漸近。豁然開朗。廊廡森環。戶牖開闔。曲凡三折。廣可容千人。中空一甕。下視層淵。骨竦神驚。當為蛟鼉窟穴之所。再折而上。別有石室。亦廣濶。明牕前啟一門。俯臨削壁。有巨石塞其口。若防游人之失墜者。縱目遠眺。則平疇萬頃。新綠一色。其外諸峯環拱。恂恂如數。溪水橫貫。奔流激石。嗚咽有聲。於此御風。

發霞不復有一絲塵慮在矣。營陽固多岩穴，獨不解唐宋以來諸賢，何以竟不至此。即好游漫郎，亦無一字銘識，豈非山靈自葆神祕，故不輕以示人，必俟吾輩而始彰其美耶。紹周欣然，欲為命名，而勒石其上。余曰：名可名，非常名，謂為無名岩，復何害。相視而笑，循左側出。下山路較平，旁有白公廟，相傳祀伯益，乃訛為白云。歸賦此篇，以示同游諸子。

駕言游中郎路，半與暫歇幽岩。忽挂眼合，昏狀奇絕。鳴流古龍，峭石立積。鉄

捫蘿躡洞，倩密 孫女密給先

互提繫，猗穉寒搏人。入恐魑魍，參差露玉乳。

光怪巧剪裁，丹燒半空霞。皓映太古雪，側進忽平廣。雲窗顯明滌，山牀沉十香。

海鏡透九折，層梯出絕頂。更上賦杭隱，蛇退足不留。鳥飛目一瞥，中空下無底。

晉井古未漂，俯窺鯢桓淵。翼翼博躡堦，回中十客座。似為我輩設，前賢來未開。

勝境狀不滅，蒼珉淨如洗。細雨拭松屑，惜無雄文錫。失遇刺史結，山靈葆神祕。

顯晦寧有別，人生亦何殊。困厄見風節，悠悠塵埃下。埋沒幾衰傑，此意當訴誰。

佛云不可說，內美信紛存。深藏未為拙，良游欣所遭。意外自怡悅，何必侈福地。

爭居洞天列道高無以名。豐于莫饒舌。

題蘭庭手拓宸尊銘

蘭庭同客春陵。以手拓宸尊銘見贈。元文體畫。完整無缺。是唐篆最佳者。外間拓本流傳。偽所罕見。極可珍貴。因賦此以張之。他日尚乞為我多拓數紙。俾克廣投贈。以公諸同好也。

南游手拓宸尊銘。裹既椎石聲。丁丁肆工擊。肩助不得。此中健者推蘭庭。拓成

楮墨發奇彩。光風汎蕙生。軒楹江華大夫次山揚華君銘曰江華縣大夫崔令

筆力好。篆法樸茂。依石經。藏棧不蝕。字完整。讀者辨。願休訛。亭宋人印法漫郎

雄文有神護。貞珉歷刳支。風霆當年州志載此石長。孰佐酒運此器太璞蓋雲瓶

僮奴何物乃敢爾。粗砂礪角磨遺形。近年縣令葉竟唐去宸尊原形而自刻一

佛頭著真事。誠怪凍雨莫洗窮。年臘州人熟視竟無親。意者眾醉難為醒。石魚

鐫詞亦滅沒。石魚湖今滿水北去波冥冥。危哉斯文幸未喪。多君出手揚靈馨。

客中贈我慰寂寞。得實豈屑誇萬釘。桐君岩畔獨孤字。浙東桐君山近發現唐

無缺為歷來全  
石家所未見 好共祕笈留芳型

次韻紹周重午市樓觀競渡

茗座嬉游令節同。龍舟躍浪楚江空。鶩鼉鼓送千峯雨。疾隼旗催兩岸風。決勝漫矜私門勇。先登方見指樞功。臨流角黍休輕擲。苦憶湘纍恨滿胸。

偕紹先拜謁其尊祖壯武公遺像

祠在道州城隍廟西側。與沈昭武將軍至緒父女。周愨節公雲耀合祀。號三公祠。知州馮崑有碑紀其事。近年廟中常駐兵。祀事久廢。塵霾蕪穢。木主錯亂。幾無從辨認。守廟者指一塑像告曰。此王璞山先生也。州人感先生恩。春秋有祀典。吾聞諸吾父。故識之不誤。此像為當時名手。王某所塑。面目逼真。紹先因拂拭塵垢。炷香祭奠而退。並屬余鳩工葺而新之。以志追遠之忱。並異州人永久維護。毋任其頽廢也。

拜王圖展九疑春。當時州人有稱馮一代冠裳廟貌真。古有儒生能殺賊。今傳名將盡為神。崇庸早祝三公秩。祝嘏猶思百歲人。公有九疑祠。奇圖云其時有



泰興賢孫薦蘋藻莊嚴遺像肅重新

題鍾馗啖鬼圖

終南進士不及第。生不為官。沒為厲。黃巢食人。汝食鬼。以鬼怖人。工鬼。訐忽而  
疲。醜倒醉。帽忽而長劍。按鬼笑。家家畫壁。圖汝形。何德何功。食此報。刑天舞戚  
來。群魔。汝獨不啖。理則那。鬼妾獨脚鬼。馬馱鬼。且噬汝。汝奈何。

題參駕橋白公廟二首

道州白公廟甚多。不知何神。塑像甚雄偉。牌書有虞大臣。意當是伯益。  
曾從舜南巡。過此州人祀之。不知何年。乃訛為白公。州志不詳。亦無糾  
正之者。廟碑言前塑有神兵。復不明所自出。今亦毀。他日修邑志者。似  
應博考。以正其誤。

古冊無徵。姓氏奇。虞臣誰某。至今疑。英姿颯爽鬚眉在。宛勝當年杜十姨。

乃杜松  
遺之說

橋邊參駕舊題名。萬古瀟湘一掌平。想見烈山焚澤日。百蟲從令出神兵。

杜十姨  
將軍

扁記伯五  
見水經注

龍舟

鼓聲高處槳如飛。獅虎當頭聽指揮。道州龍舟有新首願化樓船與橫海。龍驤

收取石城歸。

開元觀前江岸晚眺二首

維舟石畔雨初晴。羅漢灘頭水漸平。萬頃江田幾龍骨。水車一名龍骨千家山郭一牛

鳴。傳言古五里乃一牛鳴香杉繞屋年年長。苦筍沿堤處處生。岩際晚烟人不見。樵歸時

有棹歌聲。

燕來巢

築得新巢亦自雄。三春瘡口不言功。來依故主心毋貳。長谷群雛羽漸豐。精衛

漫招填北海。爰居休託避東風。天南島國重回首。多少樓臺舊壘空。

食桐子李

形似桃而甘脆  
通州最有名

異味誇桐子。登盤正及時。熟經風自落。甘讓鳥先知。翠壓羞蘋果。頰肌賽荔枝。

相逢驚越客猶憶醉西施嘉興撰李德傳吳王醉西施於此

題可口酒樓

營道南來第一樓。空明酒座壓江流。波平畫槳黃龍出。風定疏櫺白鳥收。渴飲不辭逢水厄。環觀真似被山囚。鄉關目斷歸何日。兩代瓜期戰未休。

營陽峽

夾岸奔龍勢若憑。欹寄仄路繞江圓。東灘石門西灘石。下水船欺上水船。清瀾雪清時見底。驚濤雷轉忽成淵。停橈最愛杉林曲。暫止猶思一壑專。

裴夫人輓詩夫入葉氏通信傳裴文卿以事近里在武昌徐家欄車站為機車札覽

蕙折香消豈偶然。晴川芳草奈何天。風狂不與輪生節。日暖偏教玉化烟。鑄錯九州誰聚鐵。營齋十萬枉論錢。翻翻柿葉空塔雨。奉倩神傷劇可憐。

壽徐紹周五十生日

徐公異能天所予。錦繡幡胸富機杼。尺畫神為萬里遙。法書力任千鈞舉。世澤名門盛文物。平生結聚勞臧貯。祥金吉石何崢嶸。一炬無端竟焦土。五十年來

陵谷變。縱橫殺氣充寰宇。四海流離百戰場。先生不自知何許。芝城作客苦踈  
歡。倥偬軍書走飛羽。忽漫移家從我游。瀟溪且作風光主。營陽自是山水窟。客  
至如囊任錐處。楚南多石而少人。此論未公吾不與。尋幽絕壑顯三壺。攬勝靈  
岩題八柱。奇懷偶被時人知。餘習寧能捨亮柳。養庵座上記初識。照海樓台的  
春雨。重逢柰值亂離時。驚見當年舊張緒。劫灰了却王謝物。手執松枝當揮麈。  
蝸廬一角小如舟。蔬果燈檠擁兒女。問年屈指今半百。往苒浮生幾寒暑。桃源  
倘遇避秦人。世事難為此中語。與君居僅一江隔。釣水充飢石堪煮。相期蠟屐  
登九疑。御氣尋仙乞鍾乳。

讀中興碑並何東洲吳憲齋兩公次韻山谷詩有感仍用原韻

南天咫尺遠溇溪。雄文且讀溇溪碑。千秋家國幾興廢。感此蒼黃悲素紼。有唐  
中葉盛靈武。天降李郭皆奇兒。當年翠華曾幸西。危若弱露輕塵栖。中興自是  
將相加。始識大業湏人為。方今強鄰肆吞食。薄伐萬里勞王師。眾心成城戰必  
克。扶桑九枝日可揮。中權豈容反側子。普縛魑魅投三危。我來懷古發深喟。持

論頗異浩翁詩平原書法在天壤安用贊美頌諛詞東洲詩有公書因扶志長出何乃香不贊一詞之句

東洲恣齋自健若遺墨亦足珍卡隨神州碧固視此石河清拭目毋多悲

落花八首和伯夔弟

歷亂風翻萬點輕翹翹琪樹倚崢嶸飄零似我真如夢婉婉宜人各用情悔不折來空自惜向誰攀附更求榮相看別有傷心地珍重餘芳付後生  
細雨無聲暗洗紅消魂人在不言中桃源水隔疑秦世蘭佩歌殘怨楚叢掃徑但憂融豔雪當道尤愛舞翻風神方待挽春長駐一寸芳心萬里同  
啼鴉驚催草不芳欲踪競逐少年場每依俊賞呼紅友尚記輕陰奏綠章點硯露凝青玉案霓衣雲惹鬱金香蕙洲且放東風入笑問遠容幾日狂  
哀絃曾按斷腸歸鷓塚埋香事可疑南浦水流空有恨西風人瘦不勝悲吹殘玉笛終憐汝浣就濤箋却寄誰銜上故枝黏不住此情吾許蝶蜂痴  
繞樹沉吟日幾回情知早謝為先開等閒浪過三三節頃刻難求七七才驚數舊游常秉燭強扶殘夢獨登臺人間正有回春手狼籍如斯爾莫哀

帝遣靈均困蹇修。嬋娟輕絕豈無由。詩餘豔體成溫季。畫想妍工出沈仇。去  
物猶如此。美勞勞春可及時。休無端忽作江南夢。急槩搖紅到莫愁。  
朱輪碾玉怨黃昏。拾取香泥認舊痕。濺淚也應多感遇。傾身何幸為酬恩。飄搖  
且忍無家別。宛轉猶拚一息存。眼底風光任掠鳥。靈胎難撼最深根。  
背人飛去欲何歸。作態生憎竟拂衣。南部池臺烟漠漠。東家旗蓋雨非非。魂飄  
錦水愁明月。血染金城嘆落暉。橫海忽驚香一瓣。因風吹送墮岩扉。

續落花詩疊前韵答趙園並簡潛弟

委宛魂栖弱露輕。韶光深感歲崢嶸。豈關自護真無加。可奈相摧太不情。萬海  
烟痕紛起滅。三春風物壇枯榮。芳懷獨抱無涯戚。坐閱浮華度衆生。  
縱橫滿地惜殘紅。儘日雷轟電掣中。飄蕩幸依烽燧外。支離猶託棘荆叢。飛飛  
墮影迷宵月。惻惻禁寒耐曉風。多少翠樓征婦怨。蓬山傷別得毋同。  
當時絕豔冠群芳。忽逐天魔換舞場。誰信捨身空色相。也從翻面露文章。凌波  
不解禁風弱。失路猶疑墮潤香。江上可憐公自惱。苦無人訴只顛狂。

窺墻治蝶暗通辭。住已無聊去復疑。萍絮化生庸有幸。雲華現影搃堪悲。誤投珠網。寧知彼巧度。鶯梭。欲語誰夢裡。南柯足官府。東皇容費一春癡。

下殿辭櫻竟不回。淒涼帷帽背人歸。華燈莫燭重重影。響屝難量步步才。苦雨鵲啼巴子國。腥風鰓泣越王臺。婆婆孰換當年柳。腸斷江南庾信哀。

舊好何緣得再修。新歡欲接苦無由。蜂媒任爾疲銜命。蟻陣從吾大復仇。洗借酒杯行處有。刻窺棋局幾時休。青旗颯颯靈風轉。豈俟人言我始愁。

游絲輕颺暝烟昏。扇底斑斑刺淚痕。樓小尚容聽雨地。幡輕誰念護風恩。殘英碎趁奚囊貯。淨土香餘敬帚存。一任春秋分辯片。心香遠祝再生根。春花落片

兩屆花時竟不歸。湖樓尚記典春衣。舊家蕉幙人何在。異國輪蹄跡已非。閣掩巢居鶯夜雪。堂虛玉照感斜暉。何時更蠟尋梅底。共叩靈峰月下扉。春花落片

曉發甯遠城。至九疑。謁舜陵。宿永福寺。偕王紹先。

金風駕高秋。破曉出南郭。望色攬深秀。吟懷挂窳廓。群山從南來。突兀互起落。騰如虎傅翼。矯若龍門角。趨踏莽虞陵。朝拜走牧岳。神祠鎮南服。萬古光炳爍。主

峯崇舜源。氣象營磅礴。皇英聳雙翠。瓊佩築瓊瑤。明裡隆列朝。自至有鹿獮。清  
徐時用白鹿白林齊舞干。科水競鳴韶。樂苗格直至今。聲靈猶赫濯。崇墳竟何  
風在時自至是。指點殊隱約。銅碑迷故封。玉棺秘靈籥。史遷窺古冊。所得僅大略。志乘令更  
殘。探討苦未確。無為洞窈窕。重華岩。昨嶠靈兮來如雲。豈必專一壑。時移典守  
缺。寢廟已非昨。荒烟淪鼎鍾。斷瓦倒榱桷。楮室蒼鼠竄。草蔓烏鳶啄。靈跡誰護  
持。客心重蕭索。聖神作天子。身後且寂寞。紛紛百世玉。毋乃一邱貉。溪笔薦屠  
躬。湖乳泄清酌。仰止維景行。九京尚可作。蠻荒食帝加。擊壤自耕鑿。天許吾輩  
和。猶堪慰飄泊。茲山足靈異。志怪等諸語。天風鐘自吞。大阜珠銜狗。神奇事或  
存。附會多偽託。休徵告五豬。摩詰亦不學。王郎鼓游興。濟勝馳腰脚。絕幽攀朱  
明。顧我尚雙鏢。絕磴躡芒屨。行糧粟青若。禪房僧榻空。信宿頗不急。覺卒頗解  
事。新炊餉葵藿。斑竹無故叢。雖松不盈握。故持寄遠道。慚負故人諾。入谷苦搜  
尋。山靈莫余却。明朝度青湖。乞水歸洗藥。

紫霞岩紀游四十韻



造化吾神秘。靈區多蘊藏。斜岩何怪奇。守口如括囊。當關鬱層壘。森森閭陰房。  
遂今好事人。入穴驚濤張。目定始識路。身欲轉捩牆。手持松明球。步步生幽光。  
仰眎炫絕頂。橫窺迷兩旁。忽見仙人田。畝列闌干如耕耘。役象鳥所惜。無餘糧。  
復上得高坪。上有橫琴牀。圓門啟滿月。玉柱森中央。射影漾銀砂。膩若凝脂肪。  
結乳皆倒掛。攫人勢莫當。鼓噪動前驅。鬼物走且僵。再進愈險峻。階梯千尺強。  
紅白雙門樓。欲度彌驚皇。仰銜前者踵。俯扼伏者吭。泥滑足不留。僂僕相扶將。  
寒流恣九澗。每渡須牽裳。奇石耀晶瑩。滿地呈琳琅。楊梅炫異彩。瓊花散輕颺。  
堅如馬蹄圓。細若鵝管長。淪廩墨無數。擲自尚書郎。飛空來文魚。莫辨鱗鯉鱗。  
異卉復燦爛。孩蓮吐澄黃。頗聞讀書聲。金石同鏗鏘。焉知弟子列。不有韓依良。  
苔壁多題名。滅沒無漢唐。風雷阻前路。欲進還徬徨。此去通連州。其說殊渺茫。  
周遊欣所遇。悉悉皆文章。萬象在一身。奇觀破鴻荒。琪田服玉餌。華池飲瓊漿。  
鞭撻走百靈。生作閻羅王。此中至足樂。何必登天堂。興盡循筵歸。列炬猶煌煌。  
幡然出地底。大夢醒黃梁。始知眾妙門。一綫分陰陽。霞客久不作。記載殊難詳。

斯游健者誰我讓王湘鄉

同游先

前題

絕幽深入恐山顛地底蛇行列炬催鐘乳結花懸齒齒琪田鋪雪浸楊梅流長  
水自三峰伏徑絕人從九渡回擬續松明向前路冥冥丹穴阻風雷

洞中至風  
洞雷洞為

最深  
處

題玉瑄岩

萬古靈山開氣鍾幽岩勝境壓飛龍人從故實談吳景壁有雄文勒蔡邕金井  
產饒通五嶽銅碑天近矗三峯真仙羽化知何世九井尋仙未易逢

相傳克時  
有何真元

於此得  
道仙去

逍遙岩和壁間韵

一片飛雲落絳霄孤峯拳石自岷嶠九疑樹色開蒼莽兩竇秋心破淡窳秦伯  
祠連芳草歇許由村隔暮山遙穿林忽有天風過玉瑄如聞奏舜簫

九疑多神謠

湘妃竹淚斑斑落化作明珠逐燕雀

身岸時有在街珠成阜志稱珠印石室成大樂即成久變為五野

大阜無風鐘自春

云野

漢後九疑大身有鐘口吞

夢裡呼豬變天樂

唐王維表賀九疑石室成大樂即成久變為五野

何侯歸來啟石室

九

靈旗飄飄蕙綠華一月六過羊權家

許源羊前有手權故

何侯歸來啟石室九

井坐釣金蝦蟆

玉瑄君何侯石室孩兒蓮黃大如斗

山有黃彭祖畫山龍夜

仙杖負相傳彭祖以杖畫山遂成渠

九疑神仙獨多有凡百可疑真止九

九

梁王子孫曲

蜜蜂飛來千丈高梁王子孫在山如

中碑搥歌成語

女裙如花男帕首跳月

吹笙徹天曉啾啾蠻語鼓龍胡長腰拓鼓歌烏鳥

疑有無城望峯下有奔池春日鐵肩擔簪雙赤脚

良不忽呼為特種不願闢自願入伍來從軍近午獲民應徵

九日登梯雲嶺

重陽三背菊花脚獨步雲梯得得和響石應山喧鼓吹斜川帶郭起樓臺坡陀

藉州堪泥飲洞窟晴天可避幾曾記放翁題壁處待尋詩境掃蒼苔

次韵答绍周寤遠

瑟瑟霜華兩鬢侵，高歌聲送遠鴻音。又求古冊窺神跡，居近名山悟道心。親舊喜從兵後見，生涯閒向畫中尋。長鏡采藥宜何處，子母江頭雲霧深。

和潛弟九日感懷

捷奏新傳靖楚氛，時湖北大捷蠻荒風雨亦欣欣。歸園夢繞花三徑，藉野愁澆酒十分。佳節獨憐兒女隔，來書惟有弟兄勤。高邱百感殊難遣，豈為催租始憶君。

慰紹周卧病書來苦患濕瘡

蒼生何處有完膚，百日憐君卧病孤。雜序注一大指損則百一病生差喜不龜備藥在，可憐如蝨處禪無。尋聲繞榻蟻方陣，戢影擁書蟬未枯。冷道自來仙跡處，料應搔癢待麻姑。

次韵贈何漢丞

濟世神懸肘後方，丰儀垂老自堂堂。楹書喜見兒能讀，斗酒謀宜婦與藏。五嶺金砂供採掘，雙洲水石費平章。論交却恨相逢晚，過飲寧辭累十觴。

何鳴皋招飲水南復觀所藏李春湖家宋拓葉有道碑

卓午厨烟隔岸住江聲帶客赴尊罍南塘路識將軍坊東閣春遲水部松生憑  
憑棋消日卯雄談借酒卻風雷晴窗快展追魂帖妬煞臨川得寶回

蟲

蕞爾孽為祟侵人垢易癩雄談自王猛懶性任嵇康擇每偃蹄曲種宜倩爪長  
如何有奇怪獨解誦阿房

題何蔚雲醉春亭

水南風物似東洲。恩亂春光眩醉眸。芳徑草薰花似錦。平池風定屋如舟。藤陰  
局覆碁中正。蔗注香催酒督郵。羸得玉塵三萬斛。不妨長作橘中遊。

次韵答何漢丞

瀛沲縈雙洲。水木湛明媧。此中有耆儒。造誼獨深遠。芳風森主林。霽月照初地。  
經史恣枕帙。博聞復強記。發揮為文章。典義闡宏肆。窮年萬所好。不識老將到。  
市居滄塵囂。不忤俗人意。鷄群立旅儻。矯矯終自異。雖無出山心。小草即遠志。

洞垣見瘵結百病應所治。讀書漁活人善氣蘇萬類。槃槃良相材醫術。乃餘事。相見苦恨晚。班荆道非常。江風吹我衣。客心共飄颻。身如櫪下馬。老尚思騰驃。山城急徵兵。丁壯窮連鄉。最哉往毋畏。哀勝理所乾。克敵利久持。踴躍共輸將。萬心同一死。軍氣豈不揚。近聞收崑崙。捷羽傳海疆。元戎決勝算。廟略昭中央。羨君有佳兒。質美如珍珠。報國建奇勳。固知由義方。此邦富文獻。蔡韓君所長。挹膝見微吟。暮年詩力強。瓊瑤枉投贈。厚誼何敢當。名時蔡於縣志

臘八日得潛弟書

久客心旌各自懸。窮愁類借鯉膏傳。羊裘反負却傷裏。龜背刮毛寧得穩。婦嬖暗驚新似桂。朋尊空羨酒如川。蠻荒腊鼓催年急。夢落湘江雪夜船。

抗戰回

黃農有子孫。誓與暴敵抗。領袖崇一尊。百戰氣愈壯。狡焉逞蠶食。多見不自量。牛瘠猶償豚。蛇長詎吞象。

皇路廣八極。梯航供轉輸。三秦貫西陸。百粵引南隅。源源足軍實。匱乏安足虞。

妄圖斷交通敵計何其愚

今日轉一地明日移一城誘敵計亦奇得失汝勿驚大戰蓄主加豈在多據控

由來名將才善在能退兵

湯湯風凌渡磊磊太行山浩浩洞庭湖此此崑崙關紛紛袋底餘聚殲指顧間

前驅皆奇兒殺賊羞生還

謝何漢坐以手製太康碑硯見貽

硯材珍與永和齊晉代風流任取携古色不饒秦斷瓦清光如研宋澄泥當心

聚墨煩初試入手錫銘待自題客邸多承慰殘腊水坑算羨紫端溪

寄姚味辛渝中時寄亦味首屏詩抄中用其中賦贈陳清真的

當年讀書北雁寺君永壁間尚記紗籠字西來走馬開魚尾入手江山氣新異

詞源倒峽翻峨岷謀深慮遠閭閻胸彈成竹佐善筆蓬海直縛飛龍駟飛書

羽檄用三載劍佩花迎古行在夢裡湖樓今是非鶴光忍負春如海才三十里

不及卿詩成輒使兒曹驚他時手勒中興頌應向題橋浪得名

蕭山戰

越紐妖烽雪夜臨。連江片楫鼓聲沉。前徒莫掬舟中楫。左次誰誅壁上心。風引  
虎依航塢。山暗烟驚。落鑑湖深。援師近報重圍合。滿地瘡痍已不禁。

龍河道中庚辰

岸仄山隨轉。灘平水亂流。天空人語響。風動鳥聲柔。宿霧收漁網。晴雲起  
樓。餘生託孤艇。且渡及春游。

麻灘

松杉夾岸晚風寒。畫裡春光自在看。江雨乍過新漲急。輕舟如箭下麻灘。

興安道中所見

萬峯新黛簇螺紋。疊疊青松間白雲。一色杜鵑紅十里。畫圖如遇李將軍。

登獨秀峯遠眺

梧柳南來控馭雄。層巒低瞰桂王宮。月牙山俯拾星沉壑。象鼻山橫穿水映空。  
靈藉只今高一切元裕靈藉神祠從古表雙忠。二公邊防近盼平邑急。待勒崑



倚紀戰功

七星岩

採奇身入七星游，賴此靈岩破客愁。  
城下才道多斷壁，洞中官府有高樓。  
新村竹屋環山出，小市花橋名地背水收。  
歸路莫登江閣望，戰雲深處近梧州。

零陵客中

去住何心不自知，孤懷難遣客愁時。  
官經元柳文章費，水感瀟湘會合遲。  
狂草尚留千字碣，依素千字文高吟誰續八愚詩。  
柳子八愚携筇踏過黃溪路孰與尋仙  
采紫芝。

題綠天庵

依素此庵

荒池水潤墨痕消，草聖遺居久寂寥。  
風雨不磨千字碣，年年濃綠上芭蕉。

愚溪

謫宦去不返，遺踪久若何。  
孤亭坐芳草，危橋枕清波。  
古木森風烟，蒼翠交枝柯。  
當年種樹者，疑是那索駝。  
亦有垂釣人，名與魚孰多。  
時流競鬥智，奈此愚溪何。

游朝陽岩用山谷韵

洞府葆清秘。澹岩差比肩。俊游始元柳。鵬咏懷當年。名山不在高。勝蹟因人傳。  
石乳洒春晝。沾衣雨濺濺。時有好風來。温馨度都園。客游此足樂。地僻無烽烟。  
留題步前賢。羨壁思摹鋟。我愛浯臺銘。家鷄自推表。次山浯臺銘表欲采香零名山香  
相思隔飛泉。通詞託瀟水。細語驚潺湲。芝山跨朝暉。羽化疑登仙。扶藜讀碑去。  
尚待風吹船。

端陽觀競渡贈周繇長希洪

良辰行樂與人同。檢閱龍舟退自公。兵法試行新部勒。民情咸愛舊軍籠。翻江  
浪影雙洲雪。夾岸衣香五月風。十丈錦標誰奪得。繡旗歸颺夕陽紅。

希洪有和詩疊前韵答之

水犀橫海壯心同。小道掄才亦至公。雲湧色分旗綵綠。山鳴聲應鼓銅籠。天將  
美景酬佳節。官許嬉游有古風。最好維舟石前去。榴花低映畫船紅。

孫湖草堂為李蘭庭題

高門世澤重漳州肯構多君復野謀半嶺風烟森宰和  
三春晴雨服先疇芳坡  
草長魚苗壯田徑花深鳥語和為有昭山看不足歲時携酒此淹留

倦鳥知遠圖為鄭知遠題

健翮園南亦偶翔遠游曾擊水三和不因失路方垂翅  
便欲營巢暫息肩官味  
薄於鴉散後鄉心遙在雁回前寒林落日無窮感豈待催歸聽杜鵑

梓溪邨口占

萬樹環村綠一園江寒草閣黯斜暉荒溪水漲魚爭躍  
小院風平燕學飛行樂  
舊踪尋獨漉寄書新語解當歸南隅忽忽重經夏地僻猶憐生計微

雜詠六言

山遙影露砌壁江近聲喧水車門外小橋流水半村半郭人家  
竹院頭垂翠篠瓜棚頂聚黃花綠楊卷露如畫一角紅欄半遮  
梁上甕形無罍甯前裳樣蜂窠欣欣物各有託我亦夢倚南柯  
紅蕉捲畫芳心天外所思不見歲歲逢春自來可憐人不如燕

寄題幸存室贈雷恭甫

荒域反顧倚高邱。劫後園亭此獨留。有命幸逃官毒。無功翻笑客焦頭。殘書累僕勞重柳。大白呼朋快一浮。神物眼明雙劍合。龍光寒護碧湘流。

木壘沈雲英將軍廟題壁

英風叱咤震溪山。不殄渠魁誓不還。義大復仇收白骨。功高報國損紅顏。歸魂月冷麻灘渡。戰蹟雲垂木壘闕。生與木屏同命薄。木屏姓劉字淑英高唐人。事蹟見余木屏記詩序。

雙輝忠孝照人間

喜得吳冠周書時任長安帥管區司令

頻煩軍帖點兵開。鞅掌如君不易才。羽檄星飛巴子國。牙旗風定漢王臺。思家為有慈親在。入夢時逢故友來。來書言得余書便慰及亡友王君煥事許君宣皆余二十年來在浙江督練公所之舊友也。失喜梵音到空谷。錦書珍重倚雲裁。

富貴瓶硯銘

殘瓶斷自大漢珍。重拱壁何殊到手。泯然富貴老夫聊以自娛。

夜坐口占

南榮風露夜涼生。坐聽荒鷄已二更。  
適暑乍如逃酷吏。攻愁遠待出奇兵。  
吳山念友悲星落。蜀道思兒怖月明。  
次兒在浙每苦月夜空懸綿渺旅懷誰共語。空階淒切草虫聲。

親信相看慘不驕。若餘閒話度清宵。  
顏齡豈有花能却。塊壘終無酒可消。  
山氣似含巫峽雨。灘聲如咽浙江潮。  
惟燈顧我徵何喜。枯德生珠且莫拋。

潛弟書來言由葛塘移家仍回消江賃屋自春以求生活其遇良苦

萬梓爭春粟滿倉。  
謂市有倉千餘間向為投米出入市誰知賃廡有鴻光。  
神從故國傷禾黍。道為斯文掃稅隸。  
南岳春痕想舍隅。西湖夢釣船荒。  
雄才忍逐誰如。如此營生。總斷腸。

十字街尋祭西山祠不可得

西山祠廟委荆榛。講舍南開跡已陳。  
一代儒宗推老友。千秋黨禍惜斯人。  
談經莫覩楹間帖。  
宋高不倚曾錫朱文公在祠壁今不可得復結我於祠壁。今不可得。論道誰傳火後薪。  
十字街頭問遺址。斜

陽衰草不成春。

咏桐子李

仄邊沉水憶前歡。穠郁新登子滿盤。甘味膩餘遠帶滑。崎形失樣復成團。誰家異種防鑽核。是處芳蹊怯督冠。曾記踏青城北路。繁花如雪獨盤桓。

讀元祐黨人碑

公相權高黨藉成。忠奸倒置破天驚。清流莫解調停策。

劉摯品大防欲稱引周熈登蔡党以平風怒謂

之謂

正等

崇寧元年程種世具

空爭紹述名

鄧潤甫有劇

一代黃猶留片石

各

州縣所立党籍碑

千秋門戶誤諸生。良工幸有安民在。

名於石末居洋罪後世

獨為温公泣不平。

燈下書懷

客舍孤燈影最親。沉沉羈緒鬱難伸。叢殘就地搜金石。細瑣治家計米薪。曉發試猜誰念我。盱眠寧許側容人。宵深夢墮知何處。月底河山徧戰塵。夜深如水浸桃笙。萬慮蕭然視聽清。江靜水車喧竹筴。林疏漁火出松明。魂棲

露草螢初活。影定風枝鳥不驚。閒倚危欄望鄉國。秋河低轉月三更。

啖蜜桃

道錄在蜜桃色香味俱佳

異種來王母。乘時色味濃。好香能去蠱。佳釀不因蜂。肉重含細核。毛輕拭紫茸。妃唇誰更噉。一笑喜相逢。

獨坐

獨坐迎涼久。危欄俯碧溪。月高花影正。江落水聲低。倒甕延殘客。薰帷累小妻。清宵宜卧穩。歸夢不應迷。

久客

蠻荒久客漸相宜。境苦身安亦一奇。拄杖乍如齊甕盎。時得瘴木杖浮槎遠似越鷗夷。南郡放鴨都相識。北榻支龜懶更移。尤喜此邦岩壑美。飽將風景慰流離。

入瀧

萬古瀟江氣。奔騰吐不平。石間森斧劈。山動挾舟行。躍浪魚翻影。連林鳥弄聲。奇兒思下瀨。勞苦尚東征。

有感

歌哭聲聞徹絳霄。雄文誰擬爲臨朝。盤龍踞虎終何恃。鞭風管鸞只自驕。蝶蠱翻嫌螟不似。鴻雷應共豕俱僇。尊前莫道吾衰甚。不飲黃龍恨不消。

集放翁詩句書感

國家自從失河北。烽燧傳到山南城。慙吳入楚上巴峽。寸地尺天皆苦兵。太陰殺氣橫慘淡。黃流萬里泛天傾。插羽軍書立談辨。匣中寶劍夜有聲。壯士方當棄軀命。一死正自秋毫輕。投鞍欲眠且復起。櫪馬相看淚如洗。飛將軍來可奈何。騰空頃刻已千里。珠樓玉殿一夢破。前日已傳天狗墮。霹靂迸火射地紅。誰敢輕行犯奇禍。風濤瀕澗蛟鱷橫。只有烟月無人行。故都即今不忍說。何時連營插漢旗。遺民忍死望恢復。逆虜運盡行當平。龍泉三尺動牛斗。天冊開府延豪英。世間豈無一好漢。手島逆賊清舊京。幽州老酋若柘黃。才疏志大不自量。書生詎忍聞和好。嗟此大議知誰當。諸公但以口擊賊。虎狼雖猛那勝德。取日挂向扶桑枝。此賊安能穴中國。



道石

蘭庭得一小石山中空玲瓏上植草樹青翠可愛置几案間盎然有岩  
壑意余時讀放翁詩至道石三絕始知此邦產石在宋代已得名因賦  
此以貽蘭庭

春陵小岫落窗間草樹紛披故不禱窈窕雄青開一竅玲瓏幻碧捲雙鬟清泉  
晚潤螺兒色薄霧香棲鳳子斑安用別尋岩壑美燈前長對道州山

喜得鄰慎齋自甯鄉灰湯來書計不通音問者三年矣作此寄之並簡鄭  
曼叔桂林

為瀟兩地駐征車流轉萍踪共叔餘四海苦經三載戰千金難抵數行書米鹽  
細瑣俦同病琴劍飄零感故居君與余同在抗戰後所有金石書籍均蕩然無存遠憶七星岩畔客不  
知吟興近何如

夜坐不寐但聞夾江水平翻動聲有感

殘燈挑盡夜三更憶弟思兒夢不成龍骨未應知許事替誰嗚咽到天明

登倉光韵再答潛弟

一粟么微感太倉。宵深廢讀有燈光。盤中肉少甘充菴。帳外蚊多苦蕪糠。芋飯  
自香因米貴。菜根常淡為鹽荒。愁來小飲還頻醉。漫道衰翁有別腸。

和潛弟

風雨離群道益孤。溪亭幽夢託三吾。心同槁木餘蟬抱。名付空山任鳥呼。湘瑟  
一彈絃柱促。抗襟重滌酒痕汙。憐君等是南來燕。辛苦巢成尾畢逋。

登前韵

家國重重客憤孤。登樓何處土非吾。愁深海澗終難測。怨極天高不可呼。曉將  
乍經衰壯烈。依白忠將軍宜昌內職小官聊喜殘貪汙。長沙縣長湘潭縣長近以貪汙權決村農勉應

丁男役租稅猶聞急宿逋。

樊漱圃自復性書院以其師馬湛翁辟寇集詩見貽集中有和江翊雲門  
茶韵至十餘疊輒依韵和之即寄致圃

街柝宵嚴止市譁。櫻燈枯穗暗生花。行厨燮滅薪如桂。客座談深酒當茶。以口

諸公室擊賊

秋翁句諸公但以口擊賊

安心此處即為家奇懷忽入烏尤夢

復性院在樂山烏尤寺

共

倚經筵聽法華

溫翁為於佛學故云

寄贈漱園

漱園居杭曹奉唐諫議紹述公木主附祀於西湖白公祠復刊絳守居園池記及綿州越王臺詩並搜復孫晴川張浦山兩家注釋刻本又宋間議道詢留題絳守居石刻合而藏之可謂不忘祖者今春自蜀來書告余曰吾以前年秋居漢弟崧甫將軍幕入潼關得游絳州去夏由寶鷄入蜀復游綿州皆得周覽先諫議公之遺跡而徘徊不忍去平生所繫繫於夢寐者一旦獲之意外所謂思之思之鬼神通之者非耶漱園為余官浙督練公所參議官及都轉鹽運使時之舊僚屬本陸軍籍今年逾四十近且送馬湛翁游入樂山復性書院受經學及佛家言其志可嘉因作一律貽之並記其顛末於上

諫議清門世澤豐遺文綿絳守殘業諸家注釋雕鐫費勝跡登臨啓欵通太守

園池尋斷碣名王臺榭倚雄風。多君不負平生志。辟寇求師得馬融。

水南採得龍爪花歸

龍爪花秋時盛開紅鬚翠莖嬌艷可愛杭城東泉故居即明嚴顥亭之  
滄浪書屋池臺幽雅此花徧生於小山叢石間余最愛之自丁丑離杭  
南返此景遂成斷夢今秋偶游水南於道旁叢葢苦竹中忽視一叢南  
中絕大此花意外相逢悠然有如見故人之感亟折取數枝以歸置之  
几案間欣然相對者屢日喜賦一絕

三秋日斷冷紅開。記取皋園徧地栽。南國幾枝新採擷。金風吹送玉人和。

喜曼叔書至並寄和詩再酬一律

八桂兵塵滯客車。新詩來自門鷄餘。天通高敏夢中路。水送洪喬投後書。良會  
劇憐交臂失。今春滿桂林不知君在桂不得一見為恨好山端讓上頭居。懷君此夕同佳節。書以中秋日到

只恐沱川月不如。

寄填齋次潛弟韵

板蕩方虞國步艱，飄然身墮水雲間。軒坐閱群龍戰，挂席輕携一鶴還。志乘遺聞搜井邑，君方修纂御縣志，兵戈殘夢隔湖山。新詩試集吳南句，詞客哀時果未閒。

君某土溪生句七律十餘首寄示

賃廡權依月白塘，君今所居，泉聲山色滌迴腸。遠家剩有書娛老，射賦猶思管挽強。少飲酒為祛病物，微吟詩是却愁方。遙知為嶺延秋處，笑聽村村打稻忙。

蒲凡生自永明寄贈北郊詩，翰依韵作南游八絕奉酬。

南游未覺此身孱，笑倚流霞且駐顏。贏得數峯新石友，幽窗長對道州山。管道數不

新石友又數峯間對道州山故韵句

窈窕岩暉射客衣，天光雲影幻送遼。磨崖聽說中郎字，待與書家辨是非。白石磨

崖水天一色四字志稱恭恩書疎不足信意當是宗恭西山詩

參差枯竹再生枝，萬古忠魂託楚蘿。空放一川沱水過，女牆斜月寇公祠。寇公樓在

南門城上今久失修

陰岩瀑布響空清，鍾乳垂垂萬佛纒。南楚石多君莫笑，八龍支柱砥天傾。中即

八柱

徑菁深合萬山松特種歌謠自不同桐鼓細腰笙六管槃王容奏曲三終

余近得徑

鼓及竹笙各一鼓以水桐木為之腰細而長兩端蒙羊聲有雄雌笙以竹為之凡六管橫插於一總木管中長短不同管各一音制作極古當為六律所自始

二物皆徑人歌舞時所用不較與人

點滴相筠泪不流

此御產湘妃竹甚多明珠銜雀自成邱如何萬里南巡即巢

父相逢此洗牛

川有巢父水

邈推研墨剔苔泥手拓宸樽片石低淘畫五如沙外字遺銘珍重漫郎題

五次山

右及石魚湖詩皆已塗滅今所存者惟宸樽銘完好無損

蒲團高唱性靈撼一紙瓊瑤忽啟予聲應不妨避識面秋風神往北郊居

余與君文

字往遠尚木識函

溪村聞警鐘

野渡無風萬木昏忘機魚鳥任浮沉沙明水淨溪邛路不道鳴鐘有我心

滇南

時英領使請滇緬路轉運三月期滿令再開收

鼓角滇南動地聞。瀾滄橫渡水犀軍。越裳假道虛乘隙。倭來法而德戰敗越  
身毒資源待解紛。倭國南進而荷印丙點鼠故應窮五技。連鷄空自騁三分。倭

德義同盟 堂堂義戰吾多助 待挽烏號落夕曛

再題何蔚雲醉春亭次壁間韵

佳辰同作橘林游。同游六載酒晴江一繫舟。天際列真通磬效。尊前賢主富春

秋。主人是日晴漪曲沼魚初美芳草平堤馬未收更喜新圖傳彩筆

許開渠為增醉春亭 意中摩頂有高樓。周中摩頂樓主人

食蟊螟戲作

么麼敢横行。睥目無世喻。出沒騁螯爪。自意莫我害。遠來傾其巢。貪得因不敗。  
逢窮陷泥滓。捕獲任呼賣。華堂傾蓋橙。把酒恣一噉。三秋食無蟹。得此聊自快。  
安知非相如。昨夜夢作怪。

正氣呼天集為張默君題

玄圃風淒萬樹春。夢夢帝醉虎狼秦。郎才絕世偏無命。女史名家大有神。渺渺

歸魂迷越紉斑斑清泪染湘筠。悲涼自譜離鸞曲。不斬仇頭恨不伸。

辛巳元旦試筆

萬事泛頭梳不祥。佳辰忘却在鄉朝。暉醉染屠蘇色。宿霧暄凝爆竹香。豹虎騰  
騰。龍蛇遞嬗感年芳。題門且換宜春帖。大海鯨魚未是狂。

書懷

八表環祈定指揮。金蛇燁燁助靈威。誰甘卧榻容人睡。漫遣同袍與我違。時有新回

軍之劍擁神光經百鍊。棋爭急劫破重圍。榆鳩大有圖南意。只恐風高却退飛。

送吳冠周司令却任返浙省親次慎齋韵

軍符暫却許還鄉。春護靈萱日月長。詩送好懷開雁蕩。酒扶殘夢過錢塘。鉤奸  
未忍論鈞竊。却職三日後私射賊終當挽弩強。如此大才罨置帶腰間。神劍起

龍光。

義戰同情四國知。師行辰勝古如斯。張劉借位今何世。俞戚呈才此一時。地轉  
洪鑑金自躍。天傾大厦木能支。君歸莫忘南冠客。送古湘軍是健兒。



寄懷楊燮父重慶

楊子孤高傲岸世無比為貧而仕豈得已窮年兀兀百僚底一官十載秩初徙  
時任軍糧總局審核處長軍糧審核見綱紀稅粟飛芻行萬里家儲乃無五斗米五陵同學亦  
人耳裘馬輕肥乃如彼君胡自計拙若此蕭然斗室渝城裏簿書鈎稽深夜起  
殘燈破硯白木几米薪價與珠桂抵日費萬錢食鹽齋兒頃婦請百不理軒渠  
自笑肉食鄙平生四海幾知己同輩如吾亦老矣滿江石多水瀾瀾三年獨居  
苦念鄙音訊時時託雙鯉悲君輒復為君喜權門貴族罕依倚矯矯自立貞素  
腹報最幸免受訶訕不然妬忌競排擠早已棄汝如敝屣丈夫有用貴有體盤  
錯方能見根柢大器晚成天所啟神州戰禍何時弭酒酣耳熱輒撫髀安得淨  
將兵甲洗與君共挽巴江水

次和何小嵐

龍蛇遞換感流年久客心安却重遷萬壑春姿回草木三溪曉色定風煙江喧  
雨過橋吞浪山靜雲開塔刺天如此登臨雖信美雄圖遠振勒無然

次和潛弟

天將困泥試英豪。龜背求龜強刮毛。且食不須知許事。無官休問暑何曾。微吟  
向向愁中覓。少飲禪涎醉後逃。遙夜夢君魂墮處。鐵牛寒步雨蕭騷。

感事

乘時狡僧擅奇贏。物價難由強抑平。誰與便宜供日用。枉勞文告厲風行。神方

莫解燒金訣。下邑偏博有錫爭。

江蘇無錫志有錫天下爭無錫天下寧近年麻江源產錫江華道縣因此爭界而江華省營錫

破局固營礦務局又與民營爭礦權種蔗一畝歲可獲糖四石現市價每石百餘元道縣產未故不世進有依制種蔗之令

聞道老農傷穀賤。群謀種蔗代春

種稻一畝歲獲谷至多四五石現市價每石七元

對雨獨酌

敗春風雨困懨懨。客裡生涯況不廉。龜背刮毛容我拙。刀頭舐蜜讓人甜。藏身  
敢厭蝸居促計口。慙無鶴料添羞喜。漢書能下酒。病持微醉當錢飴。

俞彥文索題其師高嘯桐太守畫像

彥文自上海以書來云杭州淪陷後盧頭巷故居所有書籍金石化為

烏有惟高氏昆仲

存道生  
侯弋詩

合畫吾師高嘯桐太守遺像一軸歸然獨存

師曾佐林太守啟治杭杭人祠林於孤山以師附祀又曾入岑西林幕

多所擘畫權梧州郡治績報最保送御史第一為項城所屏有志未伸

鬱鬱以歿其生平事跡如此此固廣徵題詠已復陳仲恕叔通項蘭生

夏劍丞汪伯訓高穎生林子有張菊生李拔可葉揆初等十八子為為

一詩以張之余重違其意賦成長句寄題聊以塞望

蒼梧歌泣去思哀健翮風摧御史臺任宦升沉原有命權雄猜忌為多鄉評

月旦人師貴社祭花時弟子來揚盡劫灰身不壞崢嶸遺像畫堂開

送鄭知還去江華

三年壺隱寄春陵小住無端觸吏憎射影莫明潛水域清聲誰滅止樊蠅官尊

喜怒真難測世亂冤親總不憑便欲強留君豈忍孤鴻高翮任飛騰

春宵

剪剪輕風冷刺膚春宵閒坐客心孤催眠折轉三更急戔影燈偎一穗梅手木

漸驚書強強眼花翻詩字模糊泥鎊瓦鉢生涯在笑問明朝米有無

寄越園

越園月以詩來屬為點竄謙抑之懷下及不才何敢當然他山攻錯之誼不敢辭也賦二十四韵寄之

寒柯多新詩示我月一束君才十倍我蹇蹇若不足殷勤重寄詞點竄苦諉屬切磋吾宜讓妙義期共最如披沙見金庶藉石攻玉為詩固有道古冊在多諱律宜謹以嚴意貴婉而曲作勢取雄健摘詞務穠郁音須調剛柔字必辨生熟但能達己意取法任所欲漢魏自樸茂齊梁亦芬穠於唐有杜韓於宋有蘇陸磴磴泥宗派毋乃自枉格斯言固常談求十已得十乖違阻兵火問訊託魚腹臨風懷壽萱君抗居壽萱里對月想憐物君適居漢口憐竹所文章富能事嗜古老愈為哀哀庚辰君近作庚辰詠十章皆判時之作慷慨寄歌哭蠻荒誦佳什藉此慰幽獨醉心如飲醺得味勝醺醺春言東皋友零亂依滄海殺氣騰八荒俊游難再續清風起太末芳草今又綠何時重聯吟良夜共秉燭

蒲先生廨道縣修志局之聘移家來道於八柱岩得一石天然成凡字形筆意在篆隸之間樸茂可喜非雕琢所能致物得其主凡而不凡矣詩以張之

道石當窗眼乍明奇文天造錫嘉名前身約悟三生定在手褒逾一字榮得實地應增故實修書人合掌官成周程師掌官成以志凡題裝笑謝春陵客鳳鳥題門且莫驚

吳冠周假歸黃岩瀕行寄書告別並餽二百幣云為助刊詩稿之費且感且愧賦此奉酬

春水離情盪畫桡同舟風雨憶前朝愁中楚廟新呵壁夢裡錢江舊聽潮胎我劇情分鶴伴思君重盼起龍櫓微吟袖本勞期許未朽終慚木不彫

題吳子玉將軍畫行

往歲余與將軍相見於漢口查家墩行轅座次曾出其所為張孝若畫扇見示曰吾之畫行關夫子以後一人耳畫語我聞公畫行不知所自始相與槩然日

月不居忽忽十餘年將軍今已下世矣黃秋凡秘書出此幅屬題悼往傷  
今能無人琴之愴因題二絕以歸之

查墩幕府曾相見抵掌談兵意態雄怒氣自言能畫竹一生私泚是關公  
勁節清標四國知舊京垂危情歸避風雷不挫參天勢想見當年下筆時

清明

三年佳節滯蠻荒俯仰河山百戰場祛病只防春作祟思家那倚醉為鄉喃  
壘燕泥初涇鷓鴣盤鵝味正香道俗清明家家食鷓多謝座中雙畫友水南風送好花光

餘習凡生時為余作畫是日晴風作暄地潮漫不可耐俗謂之承南風

慰滑弟

浮家強遣有涯生貨值皆昂米獨平虛為直言叢話忌敢緣多難計奇贏送窮  
早識文無用齊物終知論不行少思莫按官長怒人間孤掌本難鳴

為黃秋凡秘書題畫

畫中造像一區太白樽一具中插梅梨花各一枝

春光長在可人家。畫閣晴窗捲絳紗。吹徹信風香不斷。梅花同夢又梨花。  
莊嚴造像自齊梁。供養端宜百和香。安用逃禪學蘇晉。拈花心與佛相忘。

二忠祠被毀有感

城隍廟側三忠祠。奉祀沈將軍至緒。父女清王公。龔周公雲。耀崇德報功。非其他淫祀可比。今春某校擴治講舍。將三公塑像牽仆而推毀之。當事者以為夷滅偶象。破迷信矣。感而賦此。

典型追塑自先民。顛撲無端怪絕倫。崇德報功知許事。表忠旌孝又何人。者儒忍袖旁觀手。精爽終存不壞身。千古廢興同一嘆。凌烟褒鄂總灰塵。

寄景毓華杭州

白影摩空

黃君俗語。恍惚之意。余兼用黃君與君唱和。曾孫以入詩。

各一天。相思楚越兩茫茫。飽經憂患將

誰語。強遣生涯祇自憐。碧草春波消息隔。青楓落月夢魂牽。何時續和蒼溪韻。

黃君別稱共倚湖樓醉遠年。酒名

黃鍾勛以其先王父忠壯公雙魚圖題咏手跡屬題為賦三絕應之。忠壯

公名邵坤同縣人咸同年間以諸生送軍平江淮克金陵有功後征黔  
苗殉難

寄遠曾傳尺素書披閱神化見雙魚江湖咫尺雲龍氣漢洗模金總不如  
曾依虎帳聽琴音妙墨流傳直至今免向人間受刀劍將軍饒有鄭倫心  
蓬瀛急起驚波淚淚鰥海上多珍重丈孫守遺澤濠梁風定養天和

武劫齋自杭州以畫梅並詩寄贈仍用原韵寄酬

殺氣橫空任矯虔畫中招鶴語堯年心枯似木將何用骨瘦如花絕可憐疎影  
月來移酒座寒香風動拂琴絃新詩一紙勞題贈感舊傷春倍黯然

西闕

時節如輪不暫停眼看春去惜惺惺驚雷握箭句成竹感浪脚花化作萍風颺  
驚箏天半落草喧蛙鼓雨中聽扶筇踏遍西闕路酒泥鄉愁未易醒

辛巳生日

初

滿地干戈幸告成蒼涼往事與誰論疏慵早覺周旋費老大翻嫌輩行尊牢九



慰情無急客。秋子乘興有離孫。餘生待作黃龍飲。且盡花前酒一樽。

題博古花卉畫

道縣新出土魏晉碑甚多文字極古拙。有曰建安七年七月十五日。曰李立宜官長。曰李借之宜錢才。曰黃初元年。曰陽遂富貴。宜余倩。鄭陶。庵戲拓為餅盆。蒲凡生徐餘習。禰寫折枝花卉。饒有趣。因題二絕。

斑駁餅蠶畫折枝。碑文摹認建安時。宜錢才復宜官長。記取前身李借之。  
叢蘭淺翠葉交加。盆嵌黃初兩字斜。陽遂果然真富貴。但餅紅放洛陽花。

贈雷去私

大隱同塵託市閭。西關風月枕雙鷗。鷄籠學紹巾箱舊。龍劍光騰寶篋寒。濁酒不辭留客飲。藏書尤愛借人看。論文却恨相逢晚。永佩芳情級楚蘭。

鄭仰熙四十一生日有詩次韻奉和名際三寫述人

設帳傳經似服虔。弧辰春酌集群賢。九疑家在多神處。十日生當浴佛前。  
君以三月廿九日生棋館畫長芝作餌。毬坪香淨草如氈。滄桑任換摩天劫。惡感無由到硯田。

艱險平生已備嘗。綺懷羞逐少年行。重循楚史修禱祀。君近今修獨挈韓文掃  
秕糠。奇氣海溟龍變化。壯圖天岸馬開張。他時曾萃書成日。合付名山石室藏。  
萬方兵火燭天明。身世憑誰下定評。感遇漫驚詩作祟。消愁聊借酒為名。呼童  
劇筍貓頭出。對客烹茶蠓眼生。偕隱笑看椎髻在。柴源寒漱石硤硤。  
玉瑄飛龍一俊人。溪風傳箭認前身。別函心史腸應斷。重寫毛牋手自親。遺澤  
遠承通德顯。清才無礙廣文賔。新知泰和陽春曲。幸免餘生是僂民。

江雨

江暗雨霏霏。烟村綠合圍。泥融秧馬活。樹老楮鷄肥。獨客棹猶泛。殘春花又飛。  
殷勤謝啼鳥。長蘂不如歸。

詠方竹枝

勁節棱棱綠玉株。天教作健慰孱軀。自循直道行無忤。不泥成規體獨殊。凡事  
笑人窺一孔。師資容我反三隅。拳藤癭木皆無色。矩步偕君慮九衢。

掛閣

營陽四載託飄蓬。書劍蕭然長物空。敗事豈關除脚垢。高史陰子春每洗脚必失財敗事驚才

那得愈頭風。消愁酒注雙蒸薄。粵有雙蒸酒解瘴香薰四和窮。飲翁詩注世有四和

葉大黃蒼朮白芷黃芩也誰料東家老貧女。靳得餘屋者衰翁。余居梓溪村已三年近為居

也可又

次和慎齋

楊花如雪照華顛。腸斷清明陌上天。兵氣遠乘春浩蕩。客愁長帶雨連綿。河魚

尾赤逃殘劫。樞馬心雄惜暮年。蓬轉何堪更流徙。幽居誰辨買山錢。

垂淚遠珠豈不情。來書言近有為道地者惜其不能早見知以哀老却之佳人遲暮劇心驚。孤飛倦似無

枝鶻。巧轉塘為出谷鶻。濁酒巡賓觀劍舞。殘燈依婦聽機聲。梁園寂寞鄒陽老。

慷慨高歌憶舊京。

園居

蠟屐春游已倦勤。園居長夏草如薰。新芭洞箭和烟擗。密葉叢蘭帶雨分。巢燕

近人能識主。雛鷄隨母各成群。山城且作忘機客。候吏鳴鐘久不聞。

雜感

信口狂吹任法螺。捧心西顧效顰多。百為虎豈能升木。五技鼯終新渡河。倘恍  
尻輪迷海市。猱獬面舞天魔。憑誰直搗櫻花窟。喚醒沉沉春夢婆。

都龐嶺

康定疏郵航機載中央新法幣千七百萬由港飛渝夜逢大雷雨迷路  
墮落都龐嶺絕頂事後多方搜索月餘始獲殘骸機中共四人俱焚斃  
新幣僅存三分之一其餘皆因風飄落道縣瀘陽喻山谷間鄉民拾取  
有粹致巨富者亦異聞也

峻嶺雄窺八桂邊。嵯峨送古絕人烟。官中竟與地爭錫。嶺脈錫錫礦產極富江  
道內縣與者皆因爭  
意外忽驚天雨錢。火湧雷車迷聖御。風飄金箔落飛仙。層岩記取焚  
舟處。巨蚓如蛇馬不前。

遺懷

小任身如芥泛坳。狗屠繒販許論交。生涯苦似空倉雀。世網紛如在戶蟪。渴倚

糟牀傾蔗注。饒依茗座進。晚巢頻年。庶幾能無患。始信春陵是樂郊。

讀放翁治生絕句。悽然有身世之感。

十萬纏腰願已虛。家安酒巷懶移居。樽空莫了尋常債。米貴徒無擔石儲。衣圓息機晨抱甕。竹陰避夢午攤書。治生記取龜堂訣。少許能慳便有餘。

夏夜

風漪八尺展清湘。雨過樓欄夜漸涼。車轉水聲通窺活。簾開月影入門初。閒談酒後尋詩料。戰訊燈前檢報章。忽憶大兒鬪罷去。計程今已到甯羌。

詠桃花竹

道縣有智御山中產竹斑紋紅艷可愛與九枝可產黑斑漫竹不同是期紀竹之一種俗稱桃花竹

叢篁占斷九疑春。點滴猩紅血淚勻。晝日靈風互來往。湘夫人後息夫人。

上闕

楚渡晴開宿霧收。高岡策杖俯西洲。翹柯過雨青如浴。蔓艸和烟翠欲流。山路慣經忘華礪。鄉音漸習解鈎輈。奇懷待掣徐公筆。奪暑瀟溪一繫舟。

瀟洲夜座納涼

西者懸燈夜招涼。別有天叢談園峒茗。野吹度蠻絃。水淨窺星浴。沙柔就月眠。餘生感飄泊。歸去是何年。

蒲凡生以歐陽文忠所書永明周堯卿太常墓表拓本見貽賦此奉酬

名儒萬行可師表。謝沐獨數周太常。慈烏集隴致靈異。孝感邑乘言能詳。平生  
忠官政績好。積學記語尤。兼強談經疑。義析毛鄭論道妙。旨窮孟莊才高著。述  
見宏遠文采富。有貽諸郎紫微基在永明紫微同墓表闡潛德。曰大手筆惟歐陽公文

自書世罕觀。妙墨此外推瀧岡。汗臨大道推拓易。歲久剝蝕愁風霜。茲碑地僻  
知者少。搜索幾人來。遠方千秋深刻尚完替。字字鉄畫森鋒鋌。蒲君嗜古有同  
癖。精拓贈我由故鄉。空齋素壁拭塵垢。紙上躍躍生幽光。固知廬陵在皇宋。卓  
然一代能文章。即論書法亦模楷。蘇蔡未許誇專長。時來神物豈久晦。相得兩  
賢名益彰。清瀟洗眼試百讀。護惜秘笈宜巾箱。南游客中計創獲。宸樽元銘差  
頤頤。碑文魏晉復幾許。多君為我添歸裝。

七七紀事

慷慨同仇百戰酣黃農聖胃了無慙  
遠交策自中權定平罕書送外府  
勦豺虎尚遲投有北鯤鵬宜早息  
圖南堂堂正義吾多助試聽壇邊  
海客談急劫新翻一局棋瀛洲消息  
大迷離西崩東應渾無賴北轍南  
轅至可疑決策久成蛇畫足要盟  
爭與虎謀皮絲牽傀儡真兒戲巨  
耐欺人只自欺

哀會稽

攪海腥風浪倒吹古城殘照不勝悲  
千岩坐看飛鳶落四野橫容牧馬  
窺妖火夜燔神禹廟寒潮秋咽孝  
娥碑六千霸越多君子新胆吞聲  
當告誰

哀海門

吊海門防守司今將志英殉難

島嶼星羅重海防將軍死戰自堂堂  
偏師早苦支螳臂毅魄終羞作虎  
倭轉敗士旣兵氣勝海門一度失陷殺印克復褒忠廷惜將才良  
平生友誼空回首白骨何由起國

殤

秋夜

街柝夜沉沉新秋遺客心  
糧空飢鼠竄燈暗候蟲吟  
夢與天俱遠愁如水益深

嫩涼欺淺醉。衣薄強能禁。

春夜竹枝詞

記通州風俗

花筵隔夜起笙歌。怪底新人哭嫁多。乖不得。乖齊拍手。攔街先看四娘婆。  
花重生。長溯根源。願請神巫鎖眾冤。龍母白公勞寄拜。酬恩爭報出花園。  
無郎能解女兒愁。不嫁東風可自由。贏得結盟諸姊妹。焚香齊送上花樓。  
烏鳥吹角晚風天。匝地幡竿一線牽。飽盡九州何處去。通幽先辨趕生錢。

七夕寄曼叔桂林

流離身豈觸天憎。萬里秋高但耐膺。脫險故知生有命。還家翻笑夢無憑。消愁  
買酒宜千中望遠登樓更一層。遙憶七星邀月地。宵涼風露總能勝。

中秋寄潛弟次韵

人間多事撇逢秋。古語稱多秋之秋怪底秋心併作愁。安得眼如天上月。照君今夜在

漳州。

遺興



地遠遼皇恐風暄慣鬱蒸。盤餐珠鳥葉有葉名珠鳥杖柱管蛇藤蛇總管製  
市小難容妓山多不見僧。豐年愁米貴終是客無能。

重陽寄潛弟

山城草樹乍經霜。楓未金丹菊未黃。聲蕩乾坤千萬劫。漂搖風雨五重陽。杯寬  
索酒姑違令時酒禁藏未貴值租強算糧。手把茱萸漫輕擲。思君魂斷滿花鄉。故里

西泠感舊五首

夏定侯題

青田人任浙江省長時殊傳芳曾浙自辦五省辦軍總司令移兵九江與  
北伐軍對抗君起義響應革命親率保安隊八千人駐嘉興窺上海與陳  
邵宋梅岑相遇兵潰逃走當陽以老父留湖上夜遁親看視潛渡湖至保  
取塔下為通行某隊長所責被擒為孫部所殺抗人求其屍於叢塚中得  
而改葬之新昌後喻初主其事最有方

駕湖積甲散如雲。騎虎操蛇事益紛。部曲奈何空致也。英雄如此獨憐君。功虧  
錯鉄憑誰鑄。質美膏蘭竟自焚。曾記蕭蕭班馬夜。亂山叢骨覓將軍。

王湘泉錫榮

杭人性剛介識大體為浙人所推重歷任省商會會長清末元之交出  
 局迭變當道輒為所執取決可否杭城屢湖厄於年復莫定尤在供仗義  
 余應次被難皆君所拯救余先流居杭四十年而君相識最早亦最久後  
 載親君推行博古搜集金石書畫鑑別真贋不稍差先杭州淪陷一年卒  
 平生踪跡最相親四十年來第一人磊落不存胸芥蒂艱危尤佩胆輪囷通才  
 小試知乾沒博古旁求辨贗真清絕駕濤歸去日未曾親見海揚塵君有別墅在江干山

上名駕  
 清園

王孚川廷揚

金華人官某縣令秉職師內稱學汪海者日眾汪事革命被推為浙省党  
 部常委多所匡正不待門戶之見性慷慨而為貧門人集資購一宅以居  
 之並擬刊其詩又稿行世未成而君卒

東皋雅社接吟壇東皋書畫社棟樑論文出肺肝在黨日空門戶見無官身繫  
 國家安幽懷日永惟看竹逸興風生每畫蘭君善畫絕水壺成獨往殘藁遺稿  
 待誰刊

王綬冊體仁

紹興人以清生校課某鹽商家遠誦卷鹽法後遞推為蘇五屬及浙東堤  
 業領袖周維柱財性沉默有遠謀復安風雅藏書五十餘萬卷錢於銅網樓

所有積弊宋板書皆歸之私港戰事起以英傷致疾沒於上海

相知晚歲託心盟余與君訂獨為憂傷損老成海上烽烟亡國恨江南落月故人情九峯石在銘誰勒石亦碑君萬卷書藏蠹又生銅劍鉄琴無恙否黃墟醜

酒淚縱橫

蔡谷青元康

紹興八与凡元培許名而各異越年久倘使有大志逆事革命慨然以天下事為己任一度被推為杭中國銀行經理非所願也無子以誤服丹翁一夕暴卒時人惜之

玉樹根依禹穴深當年契合苔岑明眸自識金銀氣俠骨都緣鐵石心才女左芬晨問字維姬樊素夜鳴琴如何一誤神仙藥滅絕風流直至今

贈黃秋凡秘書

高齋門對寇公樓襟帶瀟沱一顧收室雅焚香宜翠袖官閒退食自羔裘臨池墨妙周秦篆補壁甄勤魏晉搜漸我客游相見晚且依樽酒接風流

燈

銅鑿雁足始何年。一柱新登暗室廛。空憶畫樓圓紫電。獨憐書榻鎖青烟。蛾飛  
鏡烈休輕撲。虬注膏明素自煎。頭白豈煩花報喜。兜時風味故依然。

客送長沙來言二次湘北戰後情狀悽然有感

鄉心如割痛無痕。野曠難招戰士魂。神策縱擒惟自詡。捷書揚厲敢誰論。青燐  
血眩撈刀水。赤餒骸皮脫甲巾。終古汨羅君莫附。萬家今有幾家存。

對月

對影悲秋各不禁。寒光如劍刺人深。生離或有團圓夢。夕警能無恐怖心。雲過  
半空輪自轉。江浮大陸壁難沉。軍前又報無衣急。趁取清輝照夜砧。

自遣

老去空將歲月拋。身漸食粟類曹交。疎慵事已刪。僮約落拓文難解。客嘲鄰死  
雨香來橘柚。荒廚烟淡足薑芡。吾衰漫悔謀生拙。廢置猶堪作紫瓊。

贈周希洪縣長

萬壑千岩擁一塵。身闌桑梓繫安危。刑寬正與猛相濟。踴重誰知名亦隨。捍海

輸兵揚豹卷

統兵通移

移山建校啟鴻規

建道縣中學校於開元觀故址

石規模宏大為各縣冠

入和久絕雀符警豈獨屢頌碑

即事

水立雲翻萬海枯。晴空霹靂走飛鳥。驚颺怒咽馮夷鼓。笑電紛投玉女壺。牛耳執盟皆面具。犬牙爭鬪一撐篙。蟲沙莫挽彌天劫。如此乾坤振古無。

寇公樓和凡生

曠代元勳此謫唐。危樓憑吊一欷歔。醜徒千紀真無奈。聖相知人究不如。孤注莫教回帝聽。萬壑難遣信天書。英姿颯爽南薰像。廟壁新摹試掃塗。凡生瓶本南黃殿本

公道傳刻石置之壁間以志景行

築園在道州搜獲新出土漢魏吳晉碑都二十七品手拓成巨冊並自繪營道訪碑圖詩以依之

春陵地僻當南苑。漢魏以來名始彰。彭風流唐代有作者。千載營營埋幽光。築園雅好索金石。蒐討舊物窮四鄉。古碑無數地底出。起潛發覆皆文章。土花斑斑

自磨洗篆隸樸茂森成行。倚殿前賢善頌禱。法言止止咸吉祥。曰宜錢才宜子  
孫。曰宜官長宜侯王。曰三千日作長久。曰二千石富貴昌。文成陽遂義深粵。位  
至公卿詞高皇。摩挲取次辨年代。最遠宜若歲未央。建安黃初迄天冊。升平太  
元。兼太康。人文遞降逮吳晉。風氣漸已開齊梁。就中名姓復罕覩。某某事跡殊  
渺茫。若思若立若借之。李氏一門誰最良。鄧大中家更奇絕。書並隸楷尤非常。  
熊應出自漢尚後。直平石又來何方。自宜錢才至五  
平石皆碑中文史書無徵邑來缺。氏族爵  
秩俱難詳。崢嶸二十有七品。矗若碑林環兩旁。花紋錯綜具麻布。字體反正都  
鋒鋞。茲邦自古足文獻。清秘至今誰闡揚。荒陬頽墟忘伐掘。力取賴有樂園鐫。  
搜求下及村媪宅。滌蕩穢垢生馨芳。由來物性聚所好。夙聞此論漫歐陽。公真  
好龍龍自至。精誠格天何可當。人生垂老戒貪得。取以其道庶不傷。完者為盆  
斷者硯。銘識偏刻蒲家藏。殷勤手拓成巨冊。葉葉靜展淪麝香。坊間骨董肆松  
閣。大半贗造由黠商。夥頭真蹟迺如許。後有所獲烏能量。眼前鴻才督修志。縮  
寫影本煩主張。傳之州人放異彩。宸樽唐銘相頭頤。餘聞自作訪碑圖。芒鞋竹

杖供徜徉他時一船虹貫月笑共凡石添題裝

壬午立春

辛巳臘月十九日

腊盡春回十日先樽前霽雪照華顛浮家有地庸非福報國無能是不賢龍門  
虎爭驚浩劫馬來蛇去感流年壽坡往事空回首寄遠新奉吉利箋

道縣新出  
王晉時文

曰百事吉利  
奉以製箋

近事 蔣委員女話甲度

龍象馴依說法臺錦韜天降曙星脚九州物望歸魚復萬海軍聲撼馬來姑息  
本非安國計艱危方見用兵才重洋近盼援師急誰省資源是禍胎

贈何十三鳴皋

一角園林萬樹柑每依樽俎接清談政聲夙已騰江右物望今尤重水南  
咳下玉笙歌壽母樓頭瑤草夢宜男孤辰瑞雪催春急小飲留賓蔗釀甘

人日得潛弟書言鄉間情事悽然有感用凡生韵

故里園蕪待掃除春來歸計苦牽拘兵光勢又愁映及客久情尤篤友于  
蓑綵

穀荒官豈料史肥民瘠匪堪竄誅奸倘假橫磨劍浮厲鶴膏試一灑

贈何小嵐

清才作椽重珂鄉家傍東洲舊草堂平易近人終耿介森嚴執法卻慈祥延賓  
小試杯銜聖射賊長思弩挽強羸得五如新子弟春風絃誦滿庭香

戲贈紹周

新得漢碑文曰建武六年庚寅五月立通縣年來出土高品中年代之  
最古者拓寄紹周穿逸得復書言適以庚寅歲生計建武六年至光緒  
十六年拾值第三十一庚寅為時一千八百六十年矣亟欲得之以為  
快余僅有其一未忍割愛移贈戲賦長句奉答藉以解嘲

攝提奇字出春陵乍見知君喜不勝年潮屈平同誕降運推光武復中興書家  
銀法心傳在邑史額門掌故增貧得莫因卑魏晉建安文骨自嶙嶙君製建安  
小碑為硯

有松佳  
有銘佳





蘭齋詩餘

高陽臺

道縣修志局設廣園園中有方池池中有水胡蘆浮生水西根陸起作  
園索形上舒翠葉中根莖作花凡六出每花必有一瓣形似孔雀尾  
狀者故之商雅及本草若蘋若藻皆不全似然幽艷可喜與景與懷不  
無秋士之感因乞蒲君凡生為之圖賦此一闕

露浥香囊。風翻翠袖。奇芳自展幽馨。淺步凌波。妍姿玉立亭亭。紅妝艷絕難描。  
處。顛金支孔雀梳翎。似相逢。蘭佩荷衣。月下湘靈。依稀記得年時事。更無情。  
有恨。夢隔娉婷。如此秋光。怎堪拚付飄零。憑將畫本留花住。趁清宵。薄酒微醒。倦  
修書半臂。禁寒對影圖形。

蝶戀花

凡石圖成並綴以小詞見貽依韵奉酬

點翠烘金描蝶。拜鏡水微波。淺笑通花語。美景延秋君。記取囊中不用將愁貯。  
客裏風光誰是主。一曲田田。昨夜瀟湘雨。禱祝柔情天賦與。願花長好花應

許

過湖歌

寄替弟

時長沙危急弟移家鄉間老屋避寇書未深以兩絕為憲令統書已至作此慰之時年已八月

天際望故鄉烽火頻年客裡關河迢遞好兄弟日盼橫空雁羽不斷將書寄却  
又恐書到闕函亂人意聞道長沙捷報乘秋動歸計五雲峰巖兒時釣游地  
相約重逢共訴衷情舉家催飲醉搵一掬傷心淚

秋夜雨

殘燈一萼垂紅穗。俄人長夜無寐。疏檣風過處。又暗雨銜來秋味。淒淒響徹  
高梧葉似訴伊為我。搵枕畔聲更碎。黯滴是離人清淚。

江城梅花引

中秋對月憶杭州

危欄獨倚俯江州。水東流。月西流。對月懷人無奈是中說。把盡楚南多石處。儘無數。  
劍鉞山不割愁。割愁割愁更愁。在潭州。憶杭州。一片一片往日事。雲影悠。

為問吳山兵火甚時休。濁酒且拚今夜醉。憑夢到上錢江第幾樓。

虞美人

重陽寄鄭曼叔桂林次韻

梯雲名獨自登高處。却憶携樽侶。佳辰休怨客中過。占得南天一角好山多。  
鄉闕痛定思兵火。此恨君同我。瀟湘合併一江流。夜夜灘聲推夢下潭州。

六醜

有所懷用清真韻

漸風懷減盡。梅十斛明珠。虛擲舊時畫。飛飛雙鳳翼。夢渺無憑。聽說年來慣。  
異香心醉。愛酒傾西國。金蓮曼舞留芳澤。電影瑤臺。雷聲繡陌。身輕又誰拚惜。  
縱情癡勝我。無奈天隔。良宵岑寂。颺孤燈。焰碧。統砌聞蟲語。如太息。淒清瘦。  
損詞客。張飛鴻不。鈞嶽雲南極。憑欄處。峭風敲帽。空回首。十里荷香。月夜斷橋。  
西側紅樓外。共聽秋。沁問那時做甚些兒事。應遠記得。

八聲甘州

秋感

泛清瀟。彈指四經秋。怎禁此離懷。試登高望遠。吳江木落。越岫雲歸。陣陣排空。過雁嘹唳不勝哀。淒絕斜陽裡。多少樓臺。苦恨干戈滿地。慙汝鳩白骨。鉄馬黃埃。把妖氛掃淨。深仗補天和。問何年樓船破浪。駕六鷺橫海。踏蓬萊。好容我醉櫻花底。唱凱歸來。

天香

詠紙捲菸按樊榭詞序云菸草神農經不載明季始自呂宋移植中土名淡巴菝食法細切如縷灼以管而吸之風味在烟生以外可見此物在當時已流行如此今則紙捲菸癖嗜更盛國外輸入與國內自製咸稅為國庫一大宗竝女醫男人懷一篋近日價貴所耗尤巨然茶餘閒談燈下苦吟藝以嬉笑拜意吐納亦足以宣鬱破悶藉助清興余頗有此癖暇日讀樊榭詞率爾次韻追和聊以自遣。

棋局敲殘。茶寮品罷。温風媚轉。香草玉楮勻裁。金絲細切。異樣捲筒枝小。輕啣淺。

吸怕息息吹將花攪抽向蓮燈影畔非非翠烟同島  
煖柴不嫌價峭度幽簷  
鼻端聞飽拾取春宵醉後嚼唇紅情吐作柔情萬縷  
縱寸寸成灰也難了不  
斷  
生香錦囊在抱

東風第一枝

許佩琪宅觀梅

豔雪輕融柔風暗扇冷香飛滿仙宅舊歡曾憶西湖好夢乍回南國清瀟淑氣  
讓此處園林先得看竹外雙樹橫斜占斷一城春色山不厭峭崖徑仄溪不  
礙畫橋低馮最宜月上梢頭照澈玉樓夜白花應識我是老去飄零詞客便仗  
取消盡鄉愁怎忍浪教攀摘

浪淘沙

和潛弟寄懷韵

烟樹鬱連岡暮靄蒼蒼老懷憔悴為春傷心是萬山因不住飛渡營陽多難  
更思鄉客感悲涼夢醒遙夜月窺牀便欲見君須縮地待覓神方

風蝶令

芙蓉

豔妬霜蘿菊寒俄露井桐斜陽返射畫墻  
特地明妝留到晚來紅  
采采群芳後盈盈一笑逢  
天教秋色勝春容不信東風專是壓西風

蘭齋詩話

舒國華著







蘭齋詩錄 目錄

湘潭袁思永稿

高陽臺 道縣侯園池中水胡盧作花幽豔可喜乞蒲君凡生爲之圖賦此

蝶戀花 凡石圖成並綴以小詞見貽依韵奉酬

過澗歇 寄潛弟

秋夜雨

江城梅花引 中秋對月憶杭州

虞美人 重陽寄鄭曼叔桂林次韵

六醜 有所懷用清真韵

八聲甘州 秋感

天香 詠紙捲菸追和樊榭詞韵

東風第一枝 許佩琪宅觀梅

浪淘沙

和潛弟寄懷韻

風蝶令

芙蓉

木蘭花慢

和帥南九日書懷

歸田樂

湖堤春望

醉花陰

和省吾廬主人原韻

錦纏道

同前

高陽臺

登清涼山掃葉樓

浣溪沙

木蘭花慢

登豁蒙樓遠眺書感

促拍醜奴兒

棲霞山看紅葉

浪淘沙

詠階前菊

臺城路

和姚蕓美湖上韻

蘭齋詩餘

總相宜館自定本

高陽臺

袁思永異初

這雖作志局設後園橋中有方池池中有水葫蘆浮萍水蕩復時時作圓波影上舒翠葉中起歌聲在花花凡六出每花必有一瓣形似孔雀尾狀者數之則始及本草若爾若漢若不全似然幽豔可弄幽香興懷不無秋士之感因乞諸君凡生舊之圖賦此一闕

露浥香囊風翻翠袖奇芳自展幽馨淺步凌波好姿玉立亭亭紅妝豔絕難描處頗金支孔雀梳似似相逢蘭  
珮行衣月下湘霞 依稀記得年時事更無情有恨夢隔綉綉如此秋光怎堪拚付飄零恐將畫本留花住趁  
清宵薄酒微醒倦修書半符禁案對影圓形

蝶戀花

凡石圖成並繼以小詞見貽依韻奉酬

點翠烘金揚蝶羽鏡水微波淺笑過花語美景延秋君記取囊中不用將愁貯 客裏風光誰是主一曲田田  
昨夜滿湘雨漪旒柔情天賦與願花長好花應許

過湖歌

寄潯弟

時長沙絕句為潯弟家電聞老弟避寇寄來原以  
編題爲念潯已至作此慰之時辛巳八月

天際望故鄉烽火頻年客裏關河遲速好兄弟日盼橫空雁羽不斷將書寄却又恐書到關函亂人意 聞道

長沙捷報乘秋劫歸計五雲華是兒時釣游地相約重逢共訴衷情奉家報飲醉搥一掬傷心淚

秋夜雨

殘燈一暮垂紅鴉倦人長夜無寐疏狂風過處又暗雨銜來秋味  
淒淒響做高梧葉似訴伊為我推棹枕畔  
聲更碎點滴是離人清淚

江城梅花引

中秋對月憶杭州

危欄獨倚俯江州水東流月西流對月懷人無奈是中秋地盡楚南多石處儘無數劍從山不到愁  
割愁割  
愁愁更愁在潭州憶杭州一片一片往日事雲影悠悠為問吳山兵火甚時休濁酒且拚今夜醉憑夢到錢江  
第幾樓

虞美人

重陽寄鄭曼叔桂林次韻

梯雲獨自登高處却憶攜樽侶佳辰休怨客中過占得南天一角好山多  
鄉關痛定思兵火此恨若同我  
灕湘合併一江流夜夜潭聲推夢下潭州

六醜

有所懷用清真韻

浙風悵滅盡梅十斛明珠虛擲舊時查樓飛鳳翼夢渺無迹聽說年來慣異香心醉交酒傾西國金蓮支  
舟留芳澤電影瑤臺雷聲縮躬身輕又難憐惜縱情癡廢我無奈天隔 良宵岑寂聽孤燈照碧鏡砌聞蟲語  
如太息淒清瘦損詞客悵飛鴻不到蕪雲南極憑欄處峭風欲情空回首十里荷香月夜斷橋西側紅樓外共  
聽秋沙問那時做甚些兒事應還記得

八聲甘州

秋感

泛清滿彈指四鯉秋怎禁此難懷試登高望遠吳江木落越岫雲開陣陣排空過雁啼喚不勝哀淒絕斜陽裏  
多少樓臺 苦恨千戈滿地摠沙場白骨鐵馬黃埃把妖氛淨掃深仗補天才問何年樓船破浪駕六鼉橫海  
踏蓬萊好容我醉櫻花底唱凱歸來

天香

詠紙捲煙按樊榭詞序云菸草神農經不載明季始自呂宋移植中土名淡巴菘食法細切如雙灼以  
管而吸之風味在麴生以外可見此物在當時已流行如此今則紙捲菸癖嗜更盛國外輸入與國內  
自製歲稅爲國庫一大宗并女習男人懷一區近日價貴所耗尤巨然茶餘閒談燈下苦吟菸以煇榮  
肆意吐納亦足以宣鬱破悶藉助清興余頗有此癖暇日讀樊榭詞率爾次韻追和聊以自述

棋局敲殘茶翠品罷溫風帽轉香草玉楮勾裁金絲細切異樣捲筒枝小輕啣淺吸怕息息吹將花插袖向遂

燈影畔非非翠烟同裊 煇染不嫌價峭度幽馨異端聞飽拾取春宵醉後當昏紅情吐作柔情萬縷縱寸寸成灰也難了不斷生香錦囊在抱

東風第一枝

許佩琪宅觀梅

點雪輕融柔風暗扇冷香飛滿仙宅舊歡曾憶西湖好夢乍回南國清蒲淑氣讓此處園林先得看竹外雙樹  
橫斜占斷一城春色 山不厭峭崖從仄漢不礙畫橋低隔最宜月上梢頭照嫩玉樓夜白花應識我是老去  
飄零詞客便仗取消盡鄉愁怎忍浪教攀摘

浪淘沙

和滄弟寄懷韻

烟樹鬱連岡暮靄蒼蒼老懷悵悵爲春傷心是萬山因不住飛渡營陽 多難更思鄉客感悲涼夢醒蓬夜月  
窺林便欲見君須縮地待覓神方

風蝶令

芙蓉

豔妬霜華菊寒便露井桐斜陽返射畫牕東特地明妝留到晚來紅 采采芳後盈盈一笑蓬天教秋色勝  
春容不信東風專是壓西風

木蘭花慢

和鍾南九日書懷

夕陽衰柳外，只白髮、敢高秋。看歷亂黃花，飄蕭紅葉，獨倚危樓。春茫感懷，世事問何年得釋，杞人憂一粟。夜寒重，大風撼起蘋洲。桑田可待命能留。此外復何求。且閒置兵符，銷沉劍戟，料理漁鉤。持螯笑浮大白，向酒中權領醉鄉侯。歲晚滄江一畝，相忘詩敵棋仇。

歸田樂

湖堤春望

雨過晴雲捲，隔西泠、畫船歸。緩湖風、輕暖水滿，對酒滿月滿，花滿。只惜年華暗流轉。堤鶯歌，委婉恰，綠柳怎生眉不展。游絲戲攪，試比情長短。望遠儘草遠，樹遠天遠。草負春光，有誰管。

醉花陰

和香齋主人原韻

燈火湖堤人散後，但波澄星斗獨。自夜追涼笑，問歸舟，帶得荷花否。玉人邀月同攜酒，夢斷空搔首。憔悴幾緜秋，我且如斯，何況青青柳。

錦纏道

同前

一味新涼引起秋，心無數，倚清商。試填詞句，輕舟盡入西泠路。爲愛荷香長，願花中住。曉玉笛飛聲，抑揚成趣。帶流螢，長堤時渡。怕夜深，吹裂銀河月。柳陰深處，好夢驚鷓鴣。



高陽臺

登清涼山掃葉樓

牛背雲開雞鳴而過風煙莽蕩高秋如此江山孤懷怯倚危樓龍蟠虎踞今猶是但何年戰伐方休情無言立  
盡斜陽極日神州 漫天落葉紅 離枵只重溫茗碗俯仰前游縱飲靈泉依然白了人頭昔聞易道山陰縣 數臺身  
樹南朝夢問芴花可許無愁最驚心萬里飄來北地寒流

浣溪沙

蓮折綠榮夜未央花花草葉自相當賫賸輸與少年郎 歌舞何關家國事玉樓猶自語霓裳漢從商女青輿

亡

木蘭花慢

登慈雲樓遠眺書感

一層樓更上趁落碎竹危欄望險壑龍蟠索關虎踞大好江山 神州陸沉怎忍待英雄橫海挽狂瀾記否六  
朝金粉南部北地偏安 朱輪翠蓋自班班甚事與卿干把紙上經綸刀頭策略冷眼偷看浮雲暗翳影在  
亂鴉衰柳夕陽間剝取秋光一抹染花紅破愁顏瓊瑤半匹曉水數珠秋深作  
花紅豔可愛與他處無

促拍醜奴兒

棲霞山看紅葉

霜信動高寒，醉楓林葉葉金丹。翠披佛頂，若前路人，來畫裏明霞。晚照掩映朱顏。花事一年殘，剩紅情且當  
花看，回眸忽訝傷心色。吟鞭北指，無窮戰火，血染關山。

浪淘沙

詠塔前菊

秋聚老夫家，秀挺霜葩。塔前爲我大排衙。儼白妃紅無限，美香沁窗紗。濃翠葉交加，異種堪誇。禁寒傲骨白  
槎枒，趁取折枝君。莫待明日黃花。

臺城路

和姚純美湖上韻

鶴歸城郭，運相似，人民奈何。如此雙堤寶馬，八寺香車，難省湖山真美。吾今老矣，任歷亂書林支離琴几，藕孔  
橫窺眼中寒，落皆歸子。郊原猶峙戰壘，強情娛樂，半啼笑相倚。舟楫回燈，歌臺顧曲，恨念蕭牆，荆杞憂能自  
已。願酒扶愁，腸花滯恨，淚復我昇平，扁舟烟水裏。

水龍吟

游西溪用姚純美月夜韻

舊游重到西溪，白頭人共蘆花老。林枯石出水，澗橋平寒，碣自掃破寺。尋研荒龕謁主，風流吳逸，望雲山綠縹  
松濤，遶響如相和。悲涼調。落葉空塔，誰掃剩霜，楓杪然紅巧。野屋臨流，漁村隔岸，小舟宜討妙。繪圖閒清詞。

曲按秋英餐飽倚杖微吟詩成一笑夢池塘草

學圃老人詞稿





學圃老人詞稿 目錄

湘潭袁思古著

過澗歌

次巽兄湘北捷後見感之韻

江城梅花引

次巽兄中秋對月憶杭韻

風蝶令

次巽兄芙蓉韻

前調

自遣

虞美人

次巽兄寄曼叔桂林韻

前調

寄巽兄道州

一翦梅

寄巽兄道州

搗練子

夕陽歸鳥

東風第一枝

憶杭州用張翥憶梅韻

臨江仙

夢赴道州

水仙子

兵後用徐再思韻(曲)

沈醉東風

寒夜用無名氏韻(曲)

喜春來

得巽兒書(曲)

清平樂

感事用後主韻

采桑子

湘水舟中作

謝新恩

歸五雲故居 謝新恩宜改題臨江仙

梧葉兒

夢後枕上作(曲)

西江月

湘濱晚眺

木蘭花

示內子

浪淘沙

懷巽兒

菩薩蠻

燈下

憶江南

鄰園

赤棗子

夜宿涓江

憶王孫

曉起追憶

卜算子

別怨用飲水詞韻

南歌子

晚渡

秋千索

閨情用飲水詞韻

此調飲水自度曲

南鄉子

感舊

朝中措

壬午立春日

攤破浣溪沙

立春後三日

眼兒媚

卽事

河濱神

自慰

太常引

過楊家園

滿宮花

春怨



桃源憶故人 聞笛

好事近 雪夜

荊州亭 除夕

相見歡 題畫

醉花陰 感懷

蝶戀花 次東坡春情韻

蟾宮曲 (曲)

如夢令 卽事

點絳脣 人日

鎖南板 寄遠 (曲)

醜奴兒 春游

人月圓 自問

謁金門

春望

天淨沙

雨後（曲）

玉連環影

送友人還家 此調飲水自度曲

一斛珠

梅花

河滿子

近況

駐馬聽

度歲到涓不似曩日慨然於懷

好事近

聞雷

漁家傲

鄉居春日感事

赤粟子

柳

慶春澤

贈妓

明月棹孤舟

杜鵑

一半兒（曲）

落梅風（曲）

天淨沙

久雨（曲）

減字木蘭花

蘇幕遮

寄曼叔桂林

謁金門

寄曼叔桂林

眼兒媚

虞美人

有感用李後主韻

如夢令

異兄寓道州亦淪陷消息斷絕愴然傷懷 四首

少年游

簡龐江三兄

桂殿秋

四首

醉落魄

癸未重陽前感賦

醉花陰

寄懷鄒慎齋寧鄉

歸國謠 得杭州書

訴衷情 郊遊所遇

鳳凰臺上憶吹簫 感懷

蘇幕遮 自遣

天淨沙 獨坐感懷(曲)

長相思

玉樓春 芙蓉

更漏子 秋怨

瀟湘夜雨 謁何騰蛟墓

風入松 江樓感賦

御街行

憶秦娥

右詞八十八首其中水仙子一首沈醉東風一首喜春來一首梧葉兒一首蟾宮曲一首鎖南枝一首  
天淨沙三首一半兒一首落梅風一首皆元人令曲例宜別存實得詞七十七首

過澗歇。次集元湘北捷後見慰之韻。  
此際對春陵。測雷烟雲只把音書頻遞。休語弟。久困窮鄉。備環無  
物為君寄。訴不盡別夢詩懷見。吾意。更苦風塵憔悴。難問生  
計。萬方多難。栖遯又何地。縱有田園。搖落逢秋。一時淒絕。兩袖復染相  
思淚。

江城梅花引 次集元中秋對月憶杭州韻

吳山立馬瞰滄洲。左江流。右湖流。海上潮來搖動一天秋。如此江山無限好。  
忍拋却。到於今。生客愁。客愁客愁為誰愁。別杭州。戀杭州。載浩  
劫一瞬。過如夢悠悠。未必昇平歌舞此生休。佳節憶。君千里。隔同望  
月。想團圓。獨倚樓。

風蝶令 次集元芙蓉韻

色奪三春。弄根依百尺。桐幽馨。移自錦城東。醉煞一江秋水夕陽紅。  
冷笑霜前。繁柔啼雨後逢。伴將遶暮怨秋容。畢竟芳情偏不

嫁東風。

前調 自遣

故里知音斷。空餘爨下桐。飄零何必怨湘東。自是年來吟目犯塵紅。  
往事休重話。生時已不逢。疏松一飽竟難容。可見於今無復  
古人風。

虞美人 次巽兄寄晏叔桂林韻

雲橫五嶺知何處。悵望同舟侶。南來雁字雨中過。寫到相思天上  
淚痕多。頻年冠蓋言愁烽火。萬劫猶留我。終堪擊楫渡中流。漫向  
新亭垂涕對神州。

前調 寄巽兄道州

鶯啼柳浪弄詩處。記共呼俦侶。匆匆彈指六年過。不料還鄉仍是  
別離多。倉皇枉縱長沙火。遠去君拋我。孤燈夜雨淚雙流。認取  
襟痕殘酒舊杭州。

一剪梅 寄蔡元道州

一段風波一段愁。曾送扁舟。記在殘秋。浮家泛泛等閒鷗。到處飄流。到處悠悠。浮梗三年寄道州。梁稻難謀。強作勾留。吟懷應挂鬼公樓。家也多愁。國也多愁。憂。

鴉練子 夕陽歸鳥

歸鳥急自呼名。幾樹寒巢向晚爭。鳥意不知人意。憐啾啾時送兩三聲。

東風第一枝 憶杭州用張翥憶梅韻

鷺嶺春遙。鶯堤水滿。甚時得踐歸約。故居三徑猶存。種樹記聯棲夢。情遷境異。念往事浮光飛掠。最可惜。琴劍飄零。竟遣化隨猿鶴。湖上醉舊棋酒薄。江上宿畫船。潮落探梅曾入。靈峰路遠。翠微殿角。前塵若夢。似散擲金飄風箔。待浮掃越岸。妖氛重上柳陰樓閣。

臨江仙 夢赴道州

寒夜雞聲孤枕畔。夢魂遙度春陵。萬山疑紫一江清。兵塵飛不到歌舞。



尚昇平。自幸依栖。笑語久離。聊慰親情。覺來方恨事無憑。此身  
疑蝶化。明滅賸殘燈。

水仙子

兵後用徐再思韻

年來不盡愁思。詩亦愁思。酒亦愁思。風雨飄搖。田園寥落。萬縷愁絲。  
身在鼓鼙烽火裏。數惶惶吾道何之。恐怖多時。生不逢時。長更哀時。  
却悔當時。

沉醉東風

寒夜用無名氏韻

更聲起。悠悠隔牆。月華明。漸漸窺床。扇泥爐撥馬通煎瓦釜。生魚  
眼者一向習以為常。枕上南柯夢杳茫。不解者何因費想。

喜春來

得龔元書

書來深喜。知君健烽。急頻煩替我愁。家山苦憶五雲樓。吟興好  
感慨莫悲秋。

清平樂

感事用後主韻

百年過半。自分溝中斷。住再風塵隨世亂。只要一甌常滿。本  
來天道難憑。敢怨人事無成。家國已非前比。於今莫問蒼生。

采桑子

湘水舟中作

湘江東去。烟波靜。挂席長空。兩岸霜楓。一角斜陽。闌晚紅。頻  
年飄泊。知何似。天際哀鴻。歷歷驚已。萬里雲羅一夢中。

謝新恩

歸五雲峰故居

閒階寂寞。苔痕透。蓬門雖設常關。吟筇倚聽水潺潺。此身無恙。  
仍寄五雲山。風情老大。今何有。歸來白髮。皆新幽吟。閒嘯自成  
春。了無尤怨。莫道是騷人。

梧葉兒

夢後枕上作

三更後夜正長。欹枕兮夢黃梁。巫山事、託楚王。本荒唐。但使  
問空自斷腸。

西江月 湘濱晚眺

煙水空迷野渡，夕陽獨倚江樓。江聲嗚咽送離愁。化作淚痕滿袖。  
故里依然作客，此身不繫如舟。乾坤帶甲四經秋。又是雁來時候。

木蘭花 示內子

隨唱如曠四十年。修眉曾畫綺窗前。紅顏那得春常駐。白髮無如  
境易遷。雖老大尚纏綿。知卿不讓孟光賢。艱難解識林泉味。茶、  
善於人也值錢。

浪淘沙 懷吳兄

閒望倚高岡。雲樹蒼蒼。睽違千里獨神傷。安得奮飛雙翮健。送  
度衡陽。切莫問家鄉。無限淒涼。夜談何日更聯床。慚愧龍鍾  
先白首。不比元方。

菩薩蠻 燈下

光搖四壁沉虛影。鴛鴦瓦上霜華冷。可奈白頭翁。燈花自紅。問  
花何所報。疑向儂家笑。想是未成名。空餘老氣橫。

憶江南 鄰園

鄰園好春色。上樓臺。衝雪不知寒氣重。暗移芳信過牆來。蜂靜莫疑猜。

卜算子 夜宿涓江

燈黯黯。夜漫漫。獨宿江村不耐寒。只有衾裯情自密。穩眠常過日。牽

憶王孫 曉起追憶

朝慵總總一衾溫。夢裏無痕又有痕。彷彿尋詩叩華門。過荒村。月下啼鵲欲斷魂。

卜算子 別怨用飲水詞韻

砧杵報秋風。惹起芳心動。寂寞寒燈夜悄然。孤負鴛鴦夢。一紙訴想相思素手頻呵凍。和淚書成欲寄君。又恐君愁重。

南歌子 晚渡

細雨炊烟濕。孤舟野渡橫。亂流歸去暮愁生。恰是一天醒醉不分。

明擊楫英雄氣。行吟逐客聲。何時鹿尾靖邊塵。早令萬  
方同日見昇平。

秋千索 閨情用飲水詞韻

遠山千疊愁眉繞。望不見你歸來早。倚樓玉笛怨黃昏。訴不  
盡餘音身。驚心我獨空房悄。更怕見雙栖啼鳥。陌頭楊柳  
又逢春。莫再覓封侯了。

南鄉子 感舊

垂柳拂章臺。走馬曾經到此來。回首當年歌舞處。塵埃一院荒  
涼鎖綠苔。莫道好懷開。白髮紅顏兩可哀。自古多情常有恨。痴  
豔贏得風流付草萊。

朝中措 壬子立春日

曉來新霽上簾櫳。頃刻透春風。竹葉欣欣。浮白梅花漠漠。燃紅。乾  
坤收拾塵埃。掃蕩談笑雍容。還我全甌。無缺今年拭目群雄。

攤破浣紗溪。立春後三日

三日春風料峭寒。傷春無語倚雕欄。春到人間化信早。待誰看。我自天涯淪落後。瀟湘歸卧幾曾安。回首不勝家國感。一長歎。

眼兒嬌

即事

天寒默然倚修篁。清露濕羅裳。玉顏憔悴。伶俜顧影。暗自神傷。憶君千里難同夢。永夜獨徬徨。寄書和淚了。無他語。快整歸裝。

河瀆神

自慰

江月照離愁。心隨逝水悠悠。不堪拋却舊杭州。卅年枉費綢繆。稍緩亭臺歸故有。兄弟尚容攜手。依舊聽鶯載酒。何須今日回首。

太常引

過楊家園

綠楊當日繫青驄。人在少年中。裙屐自雍容。一擲萬錢囊不空。酒闌燈地宵深更靜。攜手倚薰籠。顧盼亦春風。那知再未成青氣。

滿宮花

春怨

吟飛鴻音信斷。想早把心兒換。從前盟誓總難憑。應是新人情絆。  
牡丹亭梧桐院。添上黛眉幽怨。春風吹徹夢無痕。化作秋風團扇。

桃源憶故人 聞笛

佳人吹徹梅花落。聲咽江城高閣。惟恨隔重珠箔。欲見無由着。潛  
蛟起舞驚幽壑。萬古心胸開拓。聖盡一時蕭索。不待芳游樂。

好事近 雪夜

夜靜柝聲殘。冷透衾如鐵。高卧別饒滋味。喜江天風雪。明朝歸去擁  
妻孥。正度歲時節。因念別離千里。望鴿原情切。

荊州亭 除夕

天北歲華偷換人。把客愁先斷。最後飲屠蘇。几上杯盤星亂。更  
漏迢迢夜半。獨倚孤燈吟玩。明日放春風吹送五雲樓畔。

相見歡 題畫

風吹萬點幽花落。誰家。語燕羞池。依樣受風斜。春信透。愁人

瘦是吳娃。丰面含羞。無語障琵琶。

醉花陰 感懷

萬事茫茫無可奈。我獨風塵外。清嘯愧鸞凰。不比孫登。總是諧天籟。柴門未肯容冠蓋。自束藤蘿帶。傲骨要誰憐。空老烟霞。為世人陶汰。

蝶戀花 次東坡春情韻

胸次崢嶸天地小。竹石槎枒。未許塵埃遠。名利誤人真不少。夫君穹何意。憐幽草。萬里崎嶇庸蜀道。道上行人。齷齪招誰笑。回首跡如春夢杳。徒貽後悔尋煩惱。

蟾宮曲

望天涯。涕淚縱橫。牽一縷幽情。挂一縷幽情。你久無消息。分明問一日。歸程滯。一日歸程。阻關山。傳片堠。早一陣心驚。晚一陣心驚。待春來。又春去。聽一嘒流鶯。怨一嘒流鶯。夜悄悄。人靜無聲。過一度寒更。怕



一度寒更。

如夢令 卽事

槽滴酒聲。紅雨客醉。落花無主。春老不勝情。况是鶯啼燕語。塵塵塵塵塵。如此風流誰予。

點絳脣

人日

踏磧人嬉。柳眉剛展。春如許。愛情兒女。那解愁千緒。攜手同行。預約尋芳侶。鴛鴦渚。一時凝佇。唧唧聞私語。

鎮南枝

寄遠

天涯隔情未已。魚書可通。差可喜。寫不盡相思。欲言又難。言起滿紙淚痕。寄到那裏。望心中人。作回文比。

醜奴兒

春游

一鞭殘照。忽忽裏。柳暗花明。乍吐流鶯。無奈千嬌百轉聲。山川信美。終吾土。萬壑爭雄。襟抱皆清。不比騷人澤畔行。

人月園 自問

平生奔之風塵懷。何日不飄搖。少年意氣縱橫。拚闔回首無聊。  
至今潦倒雄心壯志。全部都消。安排黃髮。極遲故里。終老漁樵。

謁金門 春望

春氣足。墟透萬山新綠。隨處文章都郁郁。感游宜秉燭。滿地  
芳菲可掬。滿眼乾坤誰屬。陌上春風人共逐。倚筇湘水曲。

天淨沙 雨後

黑沈沈。黯塵天。低韻悠悠遠聽鳩啼。花亂飛。望眼欲迷。雨乍  
晴。群山如洗。及春游。踏徧香泥。

玉連環影 送友人還家

穩卧一葉輕舟。過丰福浦。帆波浪柔風破。送君歸。掩柴  
扉。相約暫時同返。世人違。

一斛珠 梅花

寒燈耿耿。疏檣斜透。疏梅影。月明夢斷芳魂醒。紙帳清幽。儂  
喜今宵永。一生常伴孤山冷。當時婚嫁何曾肯。無端拉入  
風流界。有沾冰姿。獨恨林和靖。

河滿子

近況

故里兵戈迫。何堪入海身。臧骨月流離。成遠渴。望兒頻上  
高岡。一縷情牽雲樹。幾年夢染滄桑。風過幽花自落。春殘  
飛絮空忙。飄泊早知同有數。無言刻問蒼蒼。顧我老懷終  
淡。只隨鷗鷺。機忘。

駐馬聽

度歲到消。不似曩日。慨然於懷。

同是新年。萬事歡。踪不比前。依樣壺觴。春露。爆竹聲中。總是  
淒然。家山人盡。古風煙。窮愁每恨詩難遣。更有誰憐。雙眸  
空看者。魚龍海。

好事近

聞雷

一震肅天威。驚破客中殘夢。偏是東風解凍。擁爐寒氣重。  
憑誰把酒論英雄。入夜聞春甕。坐聽千山聲響。把淋浪雨送。

漁家傲

鄉居春日感事

恰似淵明歸栗里。閒情慣把吟筇倚。萬壑青蒼圖畫裏。春色  
美。孤村落日炊烟起。四野猶聞嚴戰壘。飄搖不定頻遷徙。雖可  
生存何足喜。兵未弭。終虞白髮驚魂禡。

赤棗子

柳

窗外柳影婆娑。老幹橫斜。挂綠蘿。不必郊行煩載酒。日長閒  
坐聽鶯歌。

慶春澤

贈妓

香染襟裾。春生笑語。眼簾斜注秋波。一顧傾城。雨裁羞掩  
輕羅。眉尖淡壓。知誰恨。非關幾點新螺。夜如何。聽盡荒雞。  
怨盡靈臺。當年也解風流話。陶於今。安在臙有蹉跎。回首

前塵韶華容易經過。鍾情反是無情好。免他時惹得愁多。一  
剎那。雲雨巫山夢斷南柯。

明月棹孤舟

杜鵑

底事逢春空啼血。一聲聲。千山徧裂。叶破寒烟。催殘落月。恁  
起客懷愁絕。枝上三更如怨別。瘦巫峽。果令阮隄。故鄉雖在。  
舊恨。浪浪。何必思歸情切。

一半兒

夕陽紅射小桃天。臉薄佳人漲酒潮。楊枝挂情長短條。欲魂消。一  
半兒韶華一半兒老。

落梅風

韶光好。天乍晴。野桃含笑春風勁。搯短鉤。聽黃鸝幾聲。莫負  
了一時佳景。

天淨沙

久雨

風風雨雨時時來。未去去遲遲。總總愁愁惴惴。沈沈睡睡。  
人人個個蚩蚩。(此種作法文光筆強在刪去)

減字齊鬪死

萬山新綠。乍雨乍晴。春風足。又是清明。農事頻催。布穀聲。  
欣逢野叟。村社一瓶。沽濁酒。醉倒苦昏。夢醒春愁。不著痕。

蘇幕遮

寄舅村桂林

望天涯。橫雁陣。無際雲山。一角斜陽襯。人渴天涯。天反近。五嶺迢迢。  
千里勞書信。惹離愁。怪短髮。憔悴形容。万劫留餘燼。今日故人  
休我問。異日相逢。却恐難相認。

馮金門

寄舅村桂林

書未報。孤負廿年情好。千里郵傳。詩又到。格高鑄獨造。也有西洲味。  
傲。久客自成清操。何日他鄉歸皂帽。喜音占鵲噪。

眼兒嬌

風塵憔悴思倍。何況是殘秋。客踪無定。田園寥落。處處  
驚魂。魂盡無人惜。兒女各親疏。多情多似菊花淚。蓬萊心袖。

虞美人 有感用李後主詞

兵塵紛擾何時了。陌上行人少。十年憔悴吳秋風。舊夢無痕。對暮魂和  
江波。空聲蕭條在。形勢仍曾改。冷鴻帶使人愁。空漢有難投。去斷肥流。

如夢令 吳興又虞道州六滄浪消息斷絕懷然傷懷

夢穩春陸高臥。萬里風塵驚破。雖是苦流離。珠玉依然。嗟嗟且過。  
且過。定有詩來徵和。

一室真如懸壺。天地飄搖無定。天陰吟孤鴻。如我家山。踏踏靜聽。  
靜聽。且待疆場爭勝。

飲啄天然隨分。此後榮枯休問。錢走亂山中。消息仍堪泐。問了恨可  
恨。月雨重陽將近。

萬歲清磨樽酒。蜀黍園葵餽。極息仗何人。保念異鄉老叟。持久。

持久。何日借君携手。

少年遊 簡碧江三見

世間好事本多磨。情海漲情波。新人歡笑，舊人啼哭，試問又如何。  
首年才度風流話，況復多情魔。一鉤新月，半窗垂柳，纖恨有  
鶯梭。

桂殿秋

秋夜月。照銀床。離情無奈夢初長。歸飛雁度衡陽去，為我書傳  
字義行。

秋夜露。芙蓉香。疏櫺微透水風涼。漁燈最遠和鳴柳，却得悟窮通  
是此鄉。

秋夜寂。色蒼茫。流螢幾點亂星光。更深人靜渾無語，臥看銀河挂  
屋梁。

秋夜靜。苦啼鴉。愁牽圓思到遼陽。衣裳揭去渾無力，一憶征人一



斷腸

醉落魄

癸未重陽前感賦

一宵涼透。重陽風西未新候。龍鍾老態來新憐。雙袖不是詩人也。  
比黃花瘦。 万里戰塵驚驛候。長驅掃盡東鄰寇。歌聲凱聽鏡  
如泰。四塞河山版籍當依舊。

醉花陰

寄懷邵慎齋寧鄉

送向氏湯懷德友。應醉黃花酒。一別六年。烽火頻驚。尚憶吾儕  
否。 聖湖裏日勤攜手。此事今安有。記得慶聽旅。盡室移觴。今  
節過重九。

歸國詠

得杭州

汀雁起。書到故鄉人萬里。幾年烽火驚魂。黃花淡頂秋風裡。兵  
難弭。歸期未定空相喜。

訴衷情

郊遊所遇

竹籬茅舍。屋後黃花。未省是誰家。別有一番秋色。淡蕩不與韶華。  
敲門且駐輕車。有吳娃。且羞近客。問僕何事。臉漲微霞。

鳳凰臺 懷以昇 感懷

怒極雄驍。人懷楚澤。先朝事誤縱橫。對新亭揮淚。消息堪驚。  
依舊天涯。烽火疆場。未有早休兵。江山壯。古今一轍。供給紛爭。  
倉卒頻年。誰料到。處是哀鴻。一片商聲。歎漁樵歌斷。帳望弔予。  
人亦任塵為夢。所爭者。半是虛名。試問英雄多少。千古誰崇。

蘇幕遮 自遣

小樓幽。三徑曲。深院無人。怕損苔痕綠。我本是無心禁辱。傲骨支  
離。不自惜流俗。老矣貧。老矣貧。知命何求。有一畝餘粟。潦倒  
風塵能自足。抱膝長吟。夜剪西窗燭。

天淨沙 獨坐感懷

飄然世外孤蹤。茫茫萬事皆慵。自掩柴扉穩臥。長吟寡和。

寒产頼有幽坐

長相思

山蒼水茫。人有離愁各一方。幾時疎改鄉。菊初黃。橘初黃。同是秋容休斷腸。老來人更強。

玉樓春 夫若

感名喚作西風客。獨殿群芳留醉魄。嫣然一笑出紅塵。莫向人間悲謔請。多情不待動攀折。冷淡無言秋水隔。儂今與汝結同心。共拒寒霜浮大白。

更漏子 杜若

曉霜寒。紅葉落。天際雲山開拓。橫空雁。向南飛。征人胡不歸。消息斷。芳心亂。鷓鴣向儂休喚。衾獨掩。夜初長。夢闌空自傷。

滿湘夜雨 謁何騰蛟墓

雲黯三湘。哀沉七澤。蒼茫莫慰忠魂。先朝往事了無痕。水流碧。孤臣

血鞘躬盡瘁，無補乾坤。最可惜、徒將一死，未報君恩。江聲烏咽，沙  
沉折戟，荒塚空存。任狂人憑吊，惆悵黃昏。賸一寒烟衰草，千載  
下，淒絕江村。幸田父歲時，伏臘奔走，薦雞豚。

風入松

江樓感賦

一江風雨送殘秋。點點江樓。樓前波浪沙淘盡，英雄事、付與東流。過  
客但爭名利，蒼生誰解深憂。頻年海宇困貔貅。身已寄滄洲。何  
人更抱安攘畧，效班超把筆輕投。自問吾儕老矣，白頭寧覓封侯。

御街行

秋殘細雨侵珠箔。莫道是、簷花落。幽蛩響徹玉階空，斗覺寒鷺  
衣薄。柴扉盡掩，塵設無客，未免人蕭索。鄰翁縱有餘醅約。本無  
量，難多酌。長吟抱膝滿徘徊，身世茫茫，誰何託。此時休問，達人常在，  
且自行吾樂。

憶秦娥

心難度。珠未昔憶孤山鶴。孤山鶴。於今飛去別家樓閣。  
輕舟不繫。仍飄泊。江天萬里風塵惡。殘宵夢裏錢唐潮落。